











# দেশবন্ধুর-বজ্রবাণী

“—তোমার মন্ত্রবাণীর স্পর্শ হানিবে সকল-বন্ধন ।

দীপ্ত আননখানির-আদর্শ আনিবে মুক্তনন্দন !

তোমার পাঞ্চজন্ম বাজাব আমরা মুক্তি-পন্থ,

জয় স্মরণ সত্যযাত্রী ! জয় চির-বিজয়ন্ত !—”

( শিবরাম )

“পঠিতব্য। স্মর্তব্য।

নায়কস্ব বাণী সদা ।

দেশবন্ধোমুখপদ্মাং

‘বজ্রবাণী’ বিঘোষিতা ॥”

## শ্রীউমেশচন্দ্র চক্রবর্তী

প্রাপ্তিস্থান—প্রবাসী কার্যালয়—২১ নং আপার সাকুলার

রোড, কলিকাতা, এবং সর্বত্র প্রধান প্রধান

বইয়ের-দোকান ও বুকষ্টল ।

মূল্য আট আনা

প্রকাশক  
শ্রীনিবুজবিহারী মুখোপাধ্যায়  
অন্নদা-পার্লিশিং হাউস  
৫৫নং মার্শিকতলা ষ্ট্রীট,  
কলিকাতা।

প্রবাসী প্রেস  
৯১, আগার সাকুলার রোড,  
কলিকাতা  
শ্রীঅবিনাশচন্দ্র সরকার কর্তৃক মুদ্রিত

—ওঁ মা—

## স্মৃতিপূজা

“পরিজ্ঞাণায় সাধুনাং বিনাশায় চ দুষ্কৃতাম্ ।

ধর্মসংস্থাপনার্থায় সন্তবামি যুগে যুগে ॥”

গীতা। বাহারা মানেন তাঁহারা বলিতে বাধ্য যে দেশবন্ধুর জীবনে  
গীতার গুরুর এই মহাবাক্য সার্থক হইয়াছিল। হিন্দু শাস্ত্রের বেদান্ত  
দর্শনের “মুক্তস্ত ব্রহ্মনোহভিন্নত্বম্” হইতে আরম্ভ করিয়া চণ্ডীর “যা দেবী  
সর্বভূতেষু চেতনেত্যভিধীয়তে” পর্য্যন্ত বহু মন্ত্রে জীব ও ঈশ্বরের সম্পূর্ণ  
অভিন্নত্ব প্রমাণিত হইয়াছে। খৃষ্টধর্মাবতার যিশুও অদ্বৈত-ভাবে বিভোর  
হইয়া বলিয়াছিলেন “He abideth in us by the Spirit which  
He hath given us.” ইসলামধর্ম-প্রবর্তক মহম্মদ বলিয়াছিলেন  
“আনলহক্” (He and I are all-one ! ) এই ধর্মের উক্তি আরো  
আছে “নহলু আকরবো এলাহি মিনহাবিল ওয়ারিদ ; আন ফুসিকুম ।”  
(God is nearest of all to thee, He is in thee.) তত্ত্বজ্ঞানী  
শমন তাব্রেজ বলেছিলেন “আঁহাকে তলব্‌গার খোদায়েম্ খোদায়েম্ ।  
বেকুনে শুনামেস্তু শুনায়েদ্ শুনায়েদ্ ॥” (God Seeker ! know,  
God is not out-side, He is within, thou art He ! ) এইরূপে  
সর্ব ধর্মতত্ত্ব আলোচনা দ্বারা আমরা গৃঢ়সত্য এই পাই যে জগতস্থ জীব  
এবং ষাবতীয় সৃষ্টবস্তু, এক ভগবানেরই বিভিন্ন ক্রীড়াপুস্তলিকা ।  
আমাদের এই দেশবন্ধু চিত্তরঞ্জনও সেই বিশ্বচিত্তরঞ্জনের খেলার প্রধান  
অবলম্বনরূপে জগৎকে অসাধারণ বিচিত্র খেলা খেলিয়া জগৎ ও জগৎ-  
বাসীকে মুগ্ধ করিয়া গিয়াছেন—যার জন্ত আজ দেশবন্ধুরূপে আপামর



সকলের হৃদয়াসনে তাঁর স্থান। তাঁহার ভিতর যে আত্মশক্তির অনন্ত-সাধারণ বিকাশ হইয়াছিল তাহা জীবনে বহুবার উপলব্ধি করিয়াছি। সংক্ষেপে একটিবারের কথা উল্লেখ করিতেছি—হরিশপার্কের বজ্রযজ্ঞ-সভায় তাঁহার বিশ্বচিত্তাকর্ষক আস্থানে আত্মহার্য হইয়া অর্ধনগ্নাবস্থায় বিলাতী ও অর্ধবিলাতী সমুদয় পরিধেয় হোমানলে আচ্ছতি দিয়াছিলাম। কলিকাতায় বাসায় কি করিয়া ফিরিয়া আসিব তার জ্ঞান ছিল না। রাত্রি ৯টার পর সভাভঙ্গ হইলে তাঁহার বাড়ীতে গেলাম। সে রাত্রে আরো অনেক সভায় যোগ দিয়া তাঁর বাড়ী ফিরিতে ১২টা বাজিয়াছিল। বাড়ী আসিয়া আমাকে তদবস্থায় দেখিয়া তৎক্ষণাৎ স্বহস্তে একখানা নূতন খন্দর আনিয়া অশেষ আশীর্বাদের সহিত আমায় দিলেন। সেদিন তাঁহার মধুর সন্তোষে ও অমিয়স্পর্শে প্রাণে কি যে উদ্দীপনা জাগিয়াছিল, জীবনে তাহা ভুলিতে পারিব না।—

আজ তিনি নাই—আছে তাঁর স্মৃতি—কাণে বাজিতেছে তাঁহার মর্ম্মান্তস্পর্শী বাণী—প্রাণে জাগিতেছে অনির্বচনীয় শ্রদ্ধা !

তাই আজ তাঁর স্মৃতিপূজায় তাঁহার ঔর্ধ্বদৈহিক অমর আত্মার উদ্দেশে, তাঁহারই বাগানের কুড়ানো-ফুল ‘বজ্রবাণী’ উৎসর্গ করিয়া জানাইতেছি—

ওগো দেশবন্ধু, প্রাণবন্ধু ! দেবতা-বাংলার !

তোমার ধন তোমায় দিয়ে করি নমস্কার ।

—উদ্দেশ—

## নিবেদন

“ব্রহ্ম হ’তে কীট পরমানু সর্বভূতে সেই প্রেমময়,  
মন প্রাণ শরীর অর্পণ, কর সাথে এসবার পায় ।  
বহুরূপে সম্মুখে তোমার ছাড়ি কোথা খুঁজিছ ঈশ্বর ?  
জীবে প্রেম করে যেইজন সেইজন সেবিছে ঈশ্বর ॥”

যিনি পূজ্যপাদ স্বামী বিবেকানন্দের এই মন্ত্র সাধনা করিয়া সিদ্ধি লাভ করিয়াছিলেন । যার শেষ নিশ্বাস বায়ু দেশ ও দশের সেবায় উৎ-  
সর্গীকৃত হইয়াছে, সেই বিশ্ব-চিত্তরঞ্জনের মৃতসঞ্জীবনী বাণী দেশপ্রেমিক  
মাত্রেই প্রাণে মহাজাগরণের তুফান ছুটাইয়া প্রত্যেককেই তাঁহার আরক্ত  
এবং ইম্পিত কর্মঘণ্টার হোতা, অধর্মঘা, উদগাতা, ব্রহ্মা ও সদাশিবের কোন  
না কোন পদে বৃত্ত করিবে,—এই দৃঢ় বিশ্বাসে ৩দেশবন্ধুর কতিপয় বাণী  
ক্ষুদ্র পুস্তিকা রূপে গ্রথিত করিলাম । দেশবন্ধুর বাণী পঠন, শ্রবণ, মনন  
দ্বারা যদি কাহারো তাঁহার প্রতি কায়মনোবাক্যে সম্মান প্রদর্শন করিবার  
সৌভাগ্য জন্মে, তবেই শ্রম সার্থক মনে করিব । এই বাণী সংগ্রহে  
বিভিন্ন বাংলা দৈনিক, সাপ্তাহিক, মাসিক সংবাদপত্র এবং তৎসম্বলিত  
প্রকাশিত পুস্তকাদিই আমার প্রধান অবলম্বন । এজন্ত আমি তৎ-  
সমুদয়ের নিকট কৃতজ্ঞ । “বঙ্গবাণী” মুদ্রণে আমি যে-কোনরূপে  
ঈহাদের নিকট হইতে সাহায্য পাইয়াছি তাঁহাদের সকলকেই আমার  
আন্তরিক কৃতজ্ঞতা-জ্ঞাপনের সঙ্গে সঙ্গে অশেষ ধন্যবাদ জানাইতেছি ।  
ইতি—

মুগা, ময়মনসিংহ ।  
১৫ই জ্যৈষ্ঠ, ১৩৩২ সন । } নিবেদক—শ্রীউমেশচন্দ্র দেবশর্মা ।

## স্মৃচীপত্র

বিষয়	পৃষ্ঠা
১। বীরেন্দ্র বাসনা	... ১— ২
২। বাংলা ও বান্ধালী	... ২—১৭
৩। ভারত ও ভারতবাসী	... ১৭—২৭
৪। স্বরাজ সংগ্রাম ও দেশের কাজ	.. ২৭—৩২
৫। জাতীয়-শিক্ষা ও সভ্যতা	... ৩২—৪৫
৬। সমাজ-সংস্কার	... ৪৫—৪৭
৭। সাহিত্য সমালোচনা	... ৪৭—৪৯
৮। আধ্যাত্মিকতা	... ৫০—৫৬
জীবন-সার	... ৫৭—৭৪

## চিত্র:-

১। শশস্ত্রিক দেশবন্ধু	... ১
২। অস্তিম-শয্যায় দেশবন্ধু	... ৫৬
৩। দেশসেবায়জ্ঞে পূর্ণাছতি 'কালীমোহন আলম'	... ৫৭





সশক্তিক দেশবন্ধু

# বজ্রবাণী

## ১। বীরেন্দ্র-বাসনা—\*

“আমি চাহি না শিষ্ট, চাহি না শাল,  
চাহি না নিরীহ মেঘ ।  
আমি চাহি যে রুদ্র, চাহি যে চণ্ড,  
চাহি যে বীরেন্দ্র বেশ ।  
আমি চাহিনা রুগ্ন, চাহিনা জীর্ণ,  
চাহিনা বিদ্বান্ বোদ্ধা ।  
আমি চাহি যে হুষ্ট, বিশিষ্ট পুষ্ট,  
চাহি যে সাহসী যোদ্ধা ।  
আমি চাহি না মিনতি, রূপাণ্ড বিনতি,  
চাহি না অশ্রু জল ;  
আমি চাহি শুধু, দন্ত, গর্জ,  
চাহি হৃদয়ের বল ।  
আমি চাহি না যে বাবু (সে যে নেহাৎ কাবু)  
চাহি না যে আমি খাসা ;  
আমি চাহি শুধু, তেজস্বী সরল,  
মুটিয়া মজুর চাষা ।

---

\* এই কবিতাটী দেশবন্ধুর স্বরচিত নহে রূবে বড়ই প্রিয়। তাঁহারই প্রাণের  
আকাঙ্ক্ষার অনুকরণে অপরের দ্বারা রচিত।

আমি চাহি না সভ্যতা (ভণ্ডামীর কথা)

চাহি না সুন্দর বেশ ;

আমি চাহি শুধু, এই অধিকার,

ভারত আমার দেশ,

আমি চাহি না দর্শন, চাহি না কাব্য,

চাহি শুধু আমি এই,

ভারতবর্ষ ভারতবাসীর ;

পর অধিকার নেই।”

## ২। বাংলা ও বাঙ্গালী—

[ ১ ]

“অতুলনীয় বাঙ্গালা আমার বাঙ্গলার কত মধুর রূপ ! এ বিশ্ব-ব্রহ্মাণ্ডে বিধি এত রূপ কই আর ত কাহাকেও দেন নাই। আমার বাঙ্গলার রূপের কি তুলনা আছে ! শ্রামচেলাঞ্চলময়ী বনরাজি বিভূষিতা সরিৎবিপুলা উচ্ছাসময়ী ভাগীরথী মার বকে অবিরাম নৃত্য করিতেছে, চরণতলে উদ্দামউচ্ছল মহোন্মিবিষ্ফুর্জিত সাগরের দিগন্তমুখরিত হুলহলা, শিরে নগাধিরাজধ্বজ্জটী, সূর্য্য কিরণে ধক্ ধক্ জলিতেছে। মা আমার একহাতে ধাত্ত শীর্ষ, অপর হস্তে বরাভয়, কোলে বীণা, পদতলে সহস্রদল শ্বেতপদ্ম ; আকাশ উজ্জল, তরুণ রবি হিরণ্যচূর্ণ দিগ্ধিদিকে ছড়াইয়া দিতেছে। আশে পাশে ললিত কণ্ঠে পিক-কুল কলঝঙ্কারে মুখরিত করিতেছে। এ রূপের কি তুলনা আছে !” \* \* \*

“বাঙ্গলার যে জীবন্ত প্রাণ তাহার সাক্ষাৎ পাইয়াছি।” বাংলার প্রাণে প্রাণে আবাহমান কাল যে সভ্যতা ও সাধনার স্রোত তাহাতে

অবগাহন করিয়াছি। বাংলার যে ইতিহাসের ধারা তাহাকে কতকটা  
বুঝিতে পারিতেছি। বৌদ্ধের বুদ্ধ, শৈবের শিব, শাক্তের শক্তি,  
বৈষ্ণবের ভক্তি, সবই যেন চক্ষের সম্মুখে প্রতিভাত হইল। চণ্ডীদাস  
বিদ্যাপতির গান মনে পড়িল। মহাপ্রভুর জীবনগৌরব আমাদের  
প্রাণের গৌরব বাড়াইয়া দিল। জ্ঞান দাসের গান, লোচনদাসের গান  
সবই যেন এক সঙ্গে সাড়া দিয়া উঠিল। কবিওয়ালাদের গানের ধ্বনি  
প্রাণের মধ্যে বাজিতে লাগিল। রামপ্রসাদের সাধন সঙ্গীতে আমি  
মজ্জিলাম। বুঝিলাম কেন ইংরেজ এদেশে আসিল, বুঝিলাম রাম-  
মোহনের তপস্তার নিগূঢ় মর্ম্ম কি? বন্ধিমের ধ্যানের মূর্ত্তি সেই—

“তুমি বিদ্যা তুমি ধর্ম্ম

তুমি হৃদি তুমি মর্ম্ম

স্বং হি প্রাণা শরীরে।

বাহতে তুমি মা শক্তি

হৃদয়ে তুমি মা ভক্তি,

তোমারি প্রতিমা গড়ি

মন্দিরে মন্দিরে ॥”

[ ২ ]

“সেই বাঙ্গালা মায়ের বাঙ্গালী ছেলে চণ্ডীদাস, রামপ্রসাদ, মহাপ্রভু,  
রামকৃষ্ণ; সে বাঙ্গালী যে আজও মরে নাই, তাই সেই আশার আলোয়  
সেই আনন্দে আজ চোখে জল আসে। কি কাঞ্চনমণি ফেলিয়া,  
কি কাচ আজ কাপড়ের খুঁটে বাঁধিয়াছি; রাশি রাশি ধড়ির চাপ  
ও ধূল্য স্কল কলঙ্ক শুভ্র করিতেছি; প্রাণের ধর্ম্ম ত্যাগ করিয়া  
কি ভয়াবহ পরধর্ম্মের খোলস পরিয়াছি। বাঙ্গালা ভুলিয়া, বাঙ্গালার



ভাব তুলিয়া, রূপ তুলিয়া, প্রাণ তুলিয়া, ধর্ম তুলিয়া, সে মায়ে  
রূপকে দেখিতে পাই না, দেখিলেও আর চিনিতে পারি না। ইউ-  
রোপীয় ভাবের ধারার ছাঁচে নিজেদেরে না ঢালিয়া, আমরা যেন আর  
কিছুই ভাবিতে পারি না। কল্পনা ফেরঙ্গ, ভাব ফেরঙ্গ, সমাজ ও  
সাহিত্যের অঙ্গে, জীবন ও ধর্মের অঙ্গে, আজ এই ইউরোপীয়  
ব্যভিচারী ভাব, আমাদের জীবন-ধর্ম, সাহিত্য, শিল্প ও কল্পনাকে  
মিথ্যা করিয়া তুলিয়াছে। আজ এই দুর্দিনে সৃষ্টিভেদ্য তমসচ্ছন্ন  
আকাশতলে এই ফেরঙ্গ বাঙ্গলার ফেরঙ্গ সাহিত্যের মাঝে অকস্মাৎ  
বিজলী ঝলকের মত কিরণচ্ছটায় উদ্ভাসিত মায়ের শ্রীরূপ দেখিলাম।  
সেই পদ্মালয়, সেই সরস্বতী, সেই অন্নপূর্ণা, সেই সিংহবাহিনী, সেই  
ভীমা ভয়ঙ্করী, রুধিরার্দ্রবসনা করালী—আর দেখিলাম মদনমোহন

‘বিহি সে রসিয়া তাহাতে পশিয়া

গড়ল দৌহার দেহ।’

মহুয্য জীবনের যে চরম পরিচয় তাহার পথে শুধু অহঙ্কার ও  
আত্মস্তরিতা আসিয়া ব্যবধান করিয়া দাঁড়ায়।”

[ ৩ ]

“বুঝিলাম, কেশবচন্দ্র সেন, কাহার ডাক শুনিয়া ধর্মের তর্করাজ্য  
ছাড়িয়া মর্মরাজ্যে প্রবেশ করিয়াছিলেন। বিবেকানন্দের বাণীতে  
প্রাণ ভরিয়া উঠিল। বুঝিলাম রামকৃষ্ণের সাধনা কি, সিদ্ধি কোথায়!  
বাঙ্গালী হিন্দু হউক, মুসলমান হউক, খৃষ্টান হউক, বাঙ্গালী বাঙ্গালী।  
বাঙ্গালীর একটা বিশিষ্টরূপ আছে, একটা বিশিষ্ট প্রকৃতি আছে,  
একটা স্বতন্ত্র ধর্ম আছে। এই জগতের মাঝে বাঙ্গলার একটা স্থান  
আছে, অধিকার আছে, সাধনা আছে, কর্তব্য আছে। বাঙ্গালীকে

প্রকৃত বাঙ্গালী হইতে হইবে। বিশ্ববিধাতার যে অনন্ত বিচিত্র সৃষ্টি, বাঙ্গালী সেই সৃষ্টি স্রোতের মধ্যে এক বিশিষ্ট সৃষ্টি। অনন্তরূপ লীলাধারের রূপবৈচিত্র্যে বাঙ্গালী একটি বিশিষ্ট রূপ হইয়া ফুটিয়াছে। আমার বাঙ্গলা সেই রূপের মূর্তি। আমার বাঙ্গলা সেই বিশিষ্ট-রূপের প্রাণ।”

[ ৪ ]

“আমার বাঙ্গলাকে আমি আশৈশব সমস্ত প্রাণ দিয়া ভালবাসিয়াছি, যৌবনে সকল চেষ্টার মধ্যে আমার সকল দৈন্য, সকল অযোগ্যতা, অক্ষমতা সত্ত্বেও আমার বাঙ্গলার যে মূর্তি তাহা প্রাণে প্রাণে জাগাইয়া রাখিয়াছি। আজ এই পরিণত বয়সে আমার মানস মন্দিরে সেই মোহিনী মূর্তি আরও জাগ্রত জীবন্ত হইয়া উঠিয়াছে।”

[ ৫ ]

“আমি বাঙ্গালী হইয়া জন্মিব মরিব—আবার জন্মিব—আবার মরিব—আমার আর অন্য সাধ কামনা নাই।”

[ ৬ ]

“আমি দেখিতেছি ও প্রাণে প্রাণে অনুভব করিতেছি, সেই বাঙ্গলার প্রাণধর্ম ধীরে ধীরে কেমন লীলা-চঞ্চল স্রোতের মত চলিয়াছে। ‘মাৎস্য ত্রায়ের’ অরাজকতার যুগে বাঙ্গলা যে গর্জন করিয়াছিল, সে সুর বাঙ্গলা ভুলিয়া যায় নাই। আজ ফেরৎ যুগেও বাঙ্গলা সেই ধর্মের আন্দোলন ভুলে নাই, কত শতাব্দী পরে আবার দক্ষিণেশ্বরের পঞ্চবটীতলে বাঙ্গলার স্বভাব ধর্ম, যে প্রাণ মূর্ত করিয়া প্রতিষ্ঠা প্ৰস্রিয়াছিল, সেই সময়েই এই (ঢাকা) নগরোপাশ্বে সেই অষ্টৈতবংশধর গোসাই শ্রীবিজয়কৃষ্ণ গেণ্ডেরিয়ার গহনবনে সেই

প্রাণধর্মের মূর্তি প্রতিষ্ঠা করিয়াছেন। দেখিতেছি পদ্মাগঙ্গার নীলাশ্রোত একই প্রাণের আন্দোলন।”

[ ৭ ]

“বাঙ্গালী যে অমাহুষ তাহা আমি কিছুতেই স্বীকার করি না। আমি যে আপনাকে বাঙ্গালী বলিতে একটা অনির্বচনীয় গর্ব অহুভব করি। বাঙ্গালীকে যে অমাহুষ বলে, সে আমার বাংলাকে জানে না।”

[ ৮ ]

“আমার বাঙ্গলাকে আমি সব চাইতে বেশী ভালবাসি। এ বাঙ্গলাদেশকে ভালবাস। ইতিহাস পড়—বাঙ্গলাকে জানিবার চেষ্টা কর। যেখানেই থাক, আর যাই কর—এই বাঙ্গলাকে ভালবাসিও।”

[ ৯ ]

“বাঙ্গালার কৃষক সমস্তদিন বাঙ্গালার মাঠে মাঠে আপনার কাজ ও আমাদের দেশের কাজ শেষ করিয়া দিবাবসানে ঘর্ম্মাক্ত কলেবরে বাঙ্গালার কুটীরে কুটীরে বাঙ্গালার গান গাহিতে গাহিতে ফিরিতেছে, উহার। মুসলমান হউক, শূদ্র হউক, চণ্ডাল হউক, উহার। প্রত্যেকেই যে সাক্ষাৎ নারায়ণ! অহঙ্কারী মাথা নত কর; ডাক, ডাক, সবাইকে ডাক, প্রাণের ডাক শুনিলে কেহ কি না আসিয়া থাকিতে পারে? ওঠ! জাগ! ডাক! আপনার কল্যাণকে জাগাও।”

[ ১০ ]

“কোথায় বাঙ্গালার আত্মা জাগরিত হও, বল—সমস্বরে এই মন্ত্র পাঠ কর, বল এই রূপ আমার, এই প্রাণ আমার। বল—আমার অদৃষ্ট আমিই গড়িব, আমার সাহিত্য আমিই রচিব।”

[ ১১ ]

“আবার এমন একদিন আসিবে, যখন ভগবানের আশীর্বাদে বাঙ্গালীজাতি সমগ্র, পৃথিবীর শ্রদ্ধা আকর্ষণ করিবে, একটা জাতি বলিয়া বিশ্ববাসীর সম্মুখে দাঁড়াইতে পারিবে। আমার জীবনের প্রতিমুহূর্ত্তে আমি শুধু এই কামনাই করিতেছি।”

[ ১২ ]

“পাশ্চাত্য সভ্যতার সংঘাতে আমরা আজ নিজের স্ব্থ ছুঃখ তুলিয়াছি, কিন্তু এমনইত আমরা ছিলাম না। সবইত আমাদের ছিল, পেটের ভাত, কটির লজ্জানিবারণ—আমরা নিজেরাই আমাদের সে লজ্জা নিবারণ করতাম। আলিপনা দেওয়া আঙ্গিনা, মুক্ত আকাশ, গ্রামল পল্লীবীথি, শ্রমলক্ক অন্ন, পরস্পরের প্রীতি সবইত আমাদের ছিল। আজ ঘরে লক্ষ্মী নাই, তাই আমরা লক্ষ্মী ছাড়া—কেন আমরা লক্ষ্মী ছাড়া হইলাম? দোষ আমাদেরই—সব দোষ কি আমাদের? ইতিহাস নিজকৃত দোষকে কখনও ত্যাগ করে না; তবে প্রবলের সংঘাতে দুর্বলের দোষ শত গুণে বাড়িয়া যায়। আমাদের সেই সময়কার ইতিহাস ঘোর অন্ধকারে মর্ধ্যভেদী নিঃশ্বাসে তপ্ত ও সিক্ত, সে কথার বিচার করিয়া কাজ নাই, বিচার করিলেই গরল উঠিবে। আজ মিলনের দিনে সে কথা ভোলাই ভাল। ছিল ‘একদিন বাংলা শুধু নিজের লজ্জা নিবারণ করিত না, জগতের ঘরে ঘরে কাপড়’ বিলাইত। সে বসন ও বৈভব জগতের নরনারীর সৌন্দর্য্যকে ফুটাইয়া তুলিবার অতুলনীয় উপাদান ছিল। ইংরাজ আমলের সঙ্গে সঙ্গে অষ্টাদশ শতাব্দির শেষ ভাগে বাংলার সেই বৈভব নষ্ট হইয়া গেল।... সেই দূর শতাব্দির অন্ধকারে যখন চোখ ফিরাইয়া দেখি—সকলই বিভীষিকাময়, ভয় হয়, মনে হয় সে কি স্থল! আমরা বাস্তবিকই

মহুয্য হারাইয়াছিলাম, দাবী করিবার কিছুই ছিল না, শুধু প্রাণের দাবী ছিল। হার দুর্ভাগা বাঙ্গালী,...আমরা ঘরের লক্ষ্মীকে গলা টিপিয়া মরিয়া ফেলিলাম! আমরা যে অক্ষম—তাই দোষ কারো নয়, দোষ আমাদেরই, আমরা ‘স্বখাদ সলিলে ডুবিয়া মরিলাম’। অনাচারে অশ্রদ্ধায়, শক্তিহীনতায়, ভক্তিহীনতায়, আমাদের গৃহধর্মকে, আমাদের স্বভাব ধর্মকে বিসর্জন দিলাম।”

[ ১৩ ]

“আমাদের বাণিজ্য নাই, তাই মা লক্ষ্মীও বাঙ্গলা ছাড়িয়া গিয়াছেন, বাঙ্গলার স্বথ হুঃখও সেই সঙ্গে সঙ্গে ফুরাইয়া গিয়াছে। আছে শুধু স্বথের মোহ, আর হুঃখের যন্ত্রণা ও অবসাদ।”

[ ১৪ ]

“এখন যে আমাদের সম্মুখে বিস্তৃত কার্য্য ক্ষেত্র, এই যে দেশের কাজ, তাহা হিন্দু-মুসলমান একত্র হইয়া মিলিয়া মিশিয়া করিতে হইবে—ব্রাহ্মণ, বৈদ্য, কায়স্থ, শূদ্র, চণ্ডাল সব একত্র হইয়া না করিলে কোন কার্য্যই সিদ্ধিলাভ করিবে না। যে বর্ণাশ্রমধর্মের অভিমান আমাদের এই কার্য্যের অন্তরায়, আমি সেই অভিমানের কথাই বলিতে-ছিলাম। যাহারা বর্ত্তমান বাংলার চারি কোটি ষাট লক্ষের মধ্যে চারি কোটি, যাহারা দেশের সারবস্তু, যাহারা মাথার ঘাম পায়ে ফেলিয়া, মাটি কর্ষণ করিয়া আমাদের জন্ত শস্ত্র উৎপাদন করে,—যাহারা ঘোর দারিদ্র্যের মধ্যেও মরিতে মরিতে দেশের সভ্যতা ও সাধনাকে সজাগ রাখিয়াছে, যাহারা সর্বপ্রকার সেবায় নিরত থাকিয়া আজিও দেশের ধর্মকে অটুট ও অক্ষুণ্ণ রাখিয়াছে, যাহারা আজিও শুদ্ধ চিন্তে, সরল প্রাণে, মঞ্চে মঞ্চে দেশের মন্দিরে মন্দিরে পূজা দেয়,

মসজিদে মসজিদে প্রার্থণা করে,—যাহারা জাতির জাতিত্বকে জ্ঞানে কি অজ্ঞানে সাগ্নিকের অগ্নির মত জ্বলাইয়া জাগাইয়া রাখিয়াছে, যাহাদের আমরা বিলাতী শিক্ষার মোহে, আইন আদালতের প্রভাবে, জমিদারের খাজনা গ্রায্য ভাবে কি অগ্রায্য করিয়া বাড়াইবার জন্ত, শত প্রলোভন দেখাইয়া, শত অত্যাচার করিয়াও একেবারে নষ্ট করিতে পারি নাই, যাহারা বাস্তবিকই বাংলা দেশের একাধারে রক্ত, মাংস ও প্রাণ তাহারা বড় কি আমরা বড়? কোন সাহসে কিসের অহঙ্কারে তাহাদের জল স্পর্শ করি না, কাছে আসিলে ঘৃণিত কুকুরের মত তাড়াইয়া দেই? এত অহঙ্কার কিসের? এত দান্তিকতা কেন? আমরা যাহারা হিন্দু হিন্দু বলিয়া চীৎকার করি, আক্ষলন করি, আমরা যে দিনে দিনে হিন্দু ধর্মের যা মর্মস্থান সেইখানে ছুরিকাঘাত করিতেছি। ‘গুঠ, ডাক, জাগ’—তাহাদেরই মধ্যে নর নারায়ণ জাগ্রত হউক!”

[ ১৫ ]

“বাঙ্গালার দুঃখ মোচনকর, সন্তানের কার্য্যকর—অগ্রসর হও সমবেত চেষ্টায়, সকলের উদ্যমে, বাঙ্গালীর স্বার্থত্যাগ করিয়া, সকল বিবেষ সকল স্বর্থে আহুতি দিয়া, শুদ্ধ পবিত্র প্রাণে জীবনযজ্ঞ আরম্ভ কর।”

[ ১৬ ]

“‘মেরেছ কলসীর কাণা তা বলে কি প্রেম দিব না?’ এই দুই ছত্র যখন মনে পড়ে, তখন মন এক রকম রসে উছলিয়া উছলিয়া উঠে, আঁখি ছল ছল, মনে হয় আমার জন্ম সার্থক, আমি বাঙ্গলায় জন্মিয়াছি। বাংলা দেশের সঙ্গে আর কোনও দেশের তুলনা হয় না। বাংলা

দেশে খ্রীষ্টতত্ত্ব গ্রহণ করে যে সভ্যতা ও culture দিয়ে গেছেন—তা আমার বিশ্বাস সব দেশকে নিতে হবে। আমরা সেটা ঠিক গ্রহণ করতে পারলে আর কিছু আবশ্যক হবে না। গৌরান্দের জীবন পাঠ করে আমি প্রাণে একটা সাড়া পেয়েছিলাম। বর্তমান কালের artificial life কিংবা artificial religion আমাকে বিন্দু মাত্র তৃপ্তি দিতে পারে না। বাংলা দেশকে বুঝতে হলে গৌরান্দ্র ছাড়া বুঝা যায় না। গৌরান্দের অপূর্ণ জীবন ও সাধনা এবং চণ্ডীদাসের পদাবলী গান আমাকে নূতল আলো দেখিয়েছে। আমার জীবনের পরিবর্তন আনিয়াছে গৌরান্দ্র। সঙ্গ দোষে জীবনে নানা রকম দোষ আমার ঘটেছে, কিন্তু গৌরান্দের আত্মহারা প্রেমমূর্তি আমার সব সংস্কার, সব দোষ দূর করে দিচ্ছে ও দিচ্ছে। মহাপ্রেমের মহাভাবের কি পরিপূর্ণ আদর্শ!”

[ ১৭ ]

“ভাব লইয়া আমরা খেলা করি, আদর্শ লইয়া নৃত্য করি। রামকৃষ্ণ বিবেকানন্দ হইতে উপাধ্যায় এমন কি মহাত্মাজীর দ্বারা কম ভাব প্রচার হইয়াছে? কিন্তু ভাব লইয়া কি হইয়াছে? জীবনক্ষেত্রে কাহারও বড় সাড়া নাই—ভাব লইয়া বিমাইতেছি বা সখ করিতেছি, ইহাতে কিছু হইবে না।”

[ ১৮ ]

“যাহা স্বভাবতঃ সরল সহজ তাহাকে মিছামিছি জটিল করিয়া তুলি। শুধু যাহা আবশ্যক তাহা করি না। দেশের প্রতি মুখ তুলিয়া চাই না, বাঙ্গলার কথা ভাবি না।”

[ ১৯ ]

“খ্রীষ্টতত্ত্ব মহাপ্রভুর দেশ আমাদের বাংলা। সেখানে ত্যাগের

আদর্শ আমরা তুলিয়াছি এত বড় অগ্রায় অভিযোগ, বাঙ্গালী আমি সহ্য করিতে পারিলাম না। আজ হইতে আমি আইন ব্যবসায় ত্যাগ করিলাম।.....মহাত্মাজীকে আমার উপার্জিত সমস্ত অর্থই দেশের কার্যে ব্যয় করিব বলিয়া প্রতিশ্রুতি দিয়াছিলাম। তাহার উত্তরে তিনি বলেন, মানুষ চাই, অর্থ চাই না। মানুষ থাকিলে অর্থ আপনিই আসিবে। সর্বতোভাবে দেশের জগৎ ব্রতী হইয়া একবার দেখিব কতদিন এই দাসত্ব বন্ধন থাকে!”

[ ২০ ]

“এইরকম যুবকই আমি চাই যারা অন্ধ বিশ্বাসের বশে আমার কাছে আসে নাই। শত্রুভাবে বিচার করিয়া সত্যের সন্ধান যেরূপ অকাটা হয়, মিত্র ভাবে কার্য্য করিয়া গেলে সব সময় সেরূপ হয় না।”

[ ২১ ]

“শত প্রকারের বিবোধ বাদ বিসম্বাদের মধ্যেই মানুষ মানুষ হইয়া উঠে ও মিলনের পথ খুঁজিয়া পায়।”

[ ২২ ]

“সকল দেশেই একটা ভাল কাষ আরম্ভ করিলে দেশের লোক প্রথমে গালাগাল দিতে আরম্ভ করে। যে যুগে কাষটা আরম্ভ হয়, সে যুগে লোক কেবল গালাগালিই দেয়, কিন্তু তার এপ্রিসিয়েশন হয় পরের যুগে।”

[ ২৩ ]

“বাধা-বিঘ্ন ছাড়া কোন কার্য্যই জাগ্রত হইয়া উঠে না সত্য, কিন্তু দেশবাসীর এত অযথা আক্রমণে মাঝে মাঝে মনটা বড় দমিয়া যায়, দেশত আমার নিজের নয়।”



[ ২৪ ]

“মহাত্মার ত কোন শত্রু নাই, আমার এত শত্রু কেন? আমি এখন বুঝিয়াছি মহাত্মার মনে হিংসা নাই, তাই তাঁহাকে কেউ হিংসা করে না। আমার মনে নিশ্চয়ই হিংসা আছে তাই আমার এত শত্রু?”

[ ২৫ ]

“প্রাণ যখন জাগে তখন হিসাব করিয়া জাগে না; মানুষ জন্মায় সেত হিসাব করিয়া জন্মায় না; না জন্মাইয়া পারে না বলিয়াই সে জন্মায়। আর না জাগিয়া থাকিতে পারে না বলেই সে একদিন অকস্মাৎ জাগিয়া উঠে।”

[ ২৬ ]

“পতঙ্গ যখন উড়িয়া আগুনের কাছে যায় সেত মনে করে না আগুন তাহাকে পুড়াইয়া ফেলিবে। সেইরূপ কোন বিষয় চিন্তা না করিয়া তবে স্বাধীনতা সংগ্রামে আসিতে হয় এমন যার হয়েছে, তার দ্বারাই কাষ হবে।”

[ ২৭ ]

“আমি কেন এত আশাঘিত। আমি Civil-disobedienco করতেও ভয় পাই না। আমার একদল এমন সংযত, স্থগঠিত ও স্বার্থ-শূন্য কর্মী আছে যে, আমার কথায় তাহারা প্রাণ পর্য্যন্ত তুচ্ছ করিতে পারে। তাহাদের বলেই আমি পরাজয় জানি না, হার আমার নাই।”

[ ২৮ ]

“বান্দালী আবার বান্দালী না হইতে পারিলে ভারতবর্ষে তাহার স্থান নাই। পৃথিবীর এই মঁহা প্লাবনে সে হয়ত বা এবার ভাসিয়া

যাইবে, কুল পাইবে না। বাঙ্গালীর বিরুদ্ধে এ প্রাবন শুধু ত্রয়োদশ শতাব্দির সপ্তদশ অশ্বারোহীর অভিযান নয়। ইহা পলাশী প্রান্তরে বিশ্বাস ঘাতকতার জীর্ণ দ্বারে ক্লাইভের পদাঘাত ও নয়। আমি মানস-চক্ষে দেখিতেছি ইহা তাহা অপেক্ষাও নির্ধম,—তাহা অপেক্ষাও ভয়াবহ,—তাহা অপেক্ষাও শোণিত পিচ্ছিল।”

[ ২৯ ]

“বাঙ্গালার উৎসাহী কর্ম্মদিগকে আমি বলি—তোমরা এই স্বাধীনতার যুদ্ধে এযুগে বহু স্বার্থ ত্যাগ করিয়াছ, বহু কষ্ট সহ্য করিয়াছ,—তোমাদের উপর রাজরোষ সংহারের মূর্ত্তিতে আত্ম প্রকাশ করিয়াছে। এখনও সময় আইসে নাই, যখন তোমরা সসম্মানে অস্ত্র পরিত্যাগ করিয়া বিশ্রাম লাভ করিতে পার, যুদ্ধক্ষেত্র এখনও তোমাদের অপেক্ষায় কোলাহল মুখরিত। যাও বীর যুদ্ধ কর। ইতিহাসের একটা মহা গৌরবান্বিত যুদ্ধের সৈনিক তুমি, তাহা কদাপি ভুলিও না। যখন যুদ্ধ শেষ হইবে, একটা সন্ধি হইয়া শান্তি আসিবে—নিশ্চয়ই আসিবে—তখন সংযত শান্ত পক্ষাপক্ষ সে শান্তিময় মিলন মন্দিরে সমুন্নত শিরে তোমরা দলে দলে প্রবেশ করিবে,—এই স্বপ্ন সাশ্রম নয়নে আমি নিরীক্ষণ করিতেছি।”

[ ৩০ ]

“আমলা-তন্ত্র তুমি বলিবে, দমন আইনের ফলে কয়েক বৎসর পূর্বে বিদ্রোহাত্মক আন্দোলনের অবসান হইয়াছিল। তুমি কি ইহা সত্য বলিয়া বিশ্বাস কর? তবে অনেক পুরাতন রাজবন্দী ‘৩’ রেগুলেশন অনুসারে আবার কেন গ্রেপ্তার হইলেন? তবে কি গ্রেপ্তার ভুল ক্রমে হইয়াছে, না তোমার কথাটাই ভুল? আমার কথা এই,

বিপ্লব আন্দোলন ১৯০৮ খৃষ্টাব্দ হইতে আরম্ভ হইয়াছে এবং এখনও ইহার অবশান হয় নাই, এখনও বর্তমান আছে এবং যতদিন পর্য্যন্ত না তোমরা জনসাধারণের স্বাধীনতা স্বীকার করিয়া লইবে, ততদিন পর্য্যন্ত এ আন্দোলন জীবিত থাকিবে।”

[ ৩১ ]

“স্বদেশী আন্দোলনের পর হইতে আমাদের দেশের যুবকবৃন্দের মনেও প্রাণে দেশের জন্ত কাজে লাগিবার একটা প্রবল আকাঙ্ক্ষা জাগিয়াছে। [ তীর্থ সমারোহে, বগ্নাপীড়নে, দুর্ভিক্ষে, মহামারির করাল গ্রাসে ইত্যাদি বহু কার্যে প্রমাণিত এবং গভর্ণমেণ্ট দ্বারাও পুনঃ পুনঃ প্রশংসিত। ] এই কাজ করিবার ক্ষমতা সত্ত্বেও দেশের সর্ববিধ উন্নতিকর কাজে লাগিতে না পারায় দেশের যুবকদের মধ্যে একটা অসহিষ্ণুতার ভাব একটা নৈরাশ্রের বেদনা জাগিয়া উঠিয়াছে। এই রাজদ্রোহিতা সেই অসহিষ্ণুতা বা সেই নৈরাশ্রের ফল।”

[ ৩২ ]

“যাহাদের দৃষ্টিশক্তি আছে তাঁহারা দেখিবেন, ভারতীয় জাতীয়তা জন্ম গ্রহণ করিয়াছে—ইহাকে আর তাচ্ছিল্য করা নিরাপদ নয়। আমি লর্ড লিটনকে সতর্ক করিয়া দিতেছি যে দমন মূলক আইনের ফলে এই শিশু জাতীয়তা ক্রমশ বাড়িয়াই উঠিবে। লর্ড কার্জনের মত লর্ড লিটনও বঙ্গে জাতীয়তাকে সাফল্য মণ্ডিত করিতে যথেষ্ট সাহায্য করিয়াছেন।”

[ ৩৩ ]

“দেশের মুক্তি কামনাও যদি বিপ্লববাদ হয়, তবে সে বিপ্লববাদ প্রশমন করিতে হইলে দমন নীতি নহে—চাই স্বাধীনতা, স্বরাজ-

স্বায়ত্ত্ব শাসন। জাতীয় জাগরণের সঙ্গে সঙ্গেই দমন নীতিও তোমরা এতদিন চালাইয়া আসিতেছ, কিন্তু তাহাতে এ জাগরণ স্পৃহা স্বাধীনতার আকাঙ্ক্ষাকে কোন দিন দলিত করিতে পারিয়াছ কি? পারিয়াছ কি কোন দিন বাঙ্গালীকে জাতীয় আন্দোলন হইতে পশ্চাৎপদ করিতে?...কি প্রমাণে তোমরা বিপ্লববাদের নিদর্শন দেখাইতে চাও? ৫৪ খানা বাড়ী ওলট পালট করিয়া তোমরা লইয়া গিয়াছ কি?—না ছুঁচার খানা বোলশেভিকদের ইতিহাসাবলী। বোলশেভিকদের ইতিহাস কি বাঙ্গালার বিপ্লববাদের নিদর্শন? যাহাদের সহিত আজ তোমরা সখ্যতা ও সন্ধি সূত্রে আবদ্ধ হইতে উদ্যত হইয়াছ, তাহাদের ইতিহাস পাঠ করিলেই কি অমনি বিপ্লব জাগিয়া উঠিবে? তোমরা যাহাদের সহিত মিতালী করিতেছ, তাহাদের ইতিহাস পাঠ করাও কি আমাদের পক্ষে নিষিদ্ধ? আর এই যে সারা বাঙ্গালা দেশটা তন্ন তন্ন করিয়া ৭০ জনকে বিপ্লববাদী সন্দেহে গ্রেপ্তার করিয়াছ—যদি এদেশে প্রকৃত বিপ্লববাদই থাকে, তাহা হইলে এই ৭০ জনকে গ্রেপ্তার করিলেই কি তাহা প্রশমিত হইবে?.....দেশের মুক্তি কামনা যদি বিপ্লববাদ হয় তাহা হইলে সে বিপ্লববাদী নয় কে? আমি নিজেও তাহা হইলে একজন বিপ্লববাদী—!”

[ ৩৪ ]

“ব্রাহ্মণ সভা বলিয়াছেন, আমি হিন্দু নই, হিন্দুর ধর্ম্মান্দোলনভার পরিচালন করিবার অধিকার আমার নাই। আমি বলিব আমার হিন্দুত্ব মারে কে? যাহারা আজ হিন্দুত্বের, ব্রাহ্মণত্বের বাজে বড়াই করেন, কই তাঁহারা ত এই আন্দোলনের পরিচালন ভার গ্রহণ করিবার জন্ত অগ্রসর হন নাই? এ আন্দোলনের নেতৃত্ব ভার গ্রহণ করিবার যথেষ্ট অবসর ও সুযোগ ত তাঁহারা পাইয়াছিলেন! তবে কেন

হিন্দুত্বের গৌরব বজায় রাখিবার জন্ত তাঁহারা দলে দলে তারকেস্বরে গিয়া আন্দোলনের ভার গ্রহণ করেন নাই? আমি যে হিন্দু আজ তার প্রমাণ দিতে প্রস্তুত আছি। যাহারা হিন্দুত্বের বড়াই করেন, তাঁহারা আজ তীর্থ স্থানকে অত্যাচারের কবল হইতে মুক্ত করিবার জন্ত যে শাস্তি বরণ করিবেন, আমি তাঁহাদের অপেক্ষা কঠোরতর শাস্তি বরণ করিবার জন্ত সর্বদাই প্রস্তুত আছি।...আজ ব্রাহ্মণসভা বা যে কোন হিন্দু প্রতিষ্ঠান এ আন্দোলনের ভার গ্রহণ করুন, আমি সানন্দে তাঁহাদের নেতৃত্বাধীনে থাকিয়া কাজ করিব, এবং তাঁহাদের আদেশ পাইলে স্বয়ং সত্যগ্রহ সংগ্রামে আত্ম সমর্পণ করিব।.....  
বাঙ্গালী সভ্যতা ও সাধনার ভিতর যতগুলি প্রতিষ্ঠান আছে, সে সমস্তের উপর অল্প কাহারও অপেক্ষা আমার কম সহানুভূতি নাই। তারকেস্বরের সত্যগ্রহ সংগ্রাম জীবন্ত সত্য।.....

বাঙ্গালার লর্ড লিটন কংগ্রেস কর্ম্মীদিগের উপর কটাক্ষ করিয়াছেন, সত্যগ্রহকে বিদ্রূপ করিয়া অযোগ্যতার পরিচয় দিয়াছেন। এমন অযোগ্য শাসন কর্ত্তা সসম্মানে লাট গিবি হইতে অবসরগ্রহণ করুন।

—আর হিন্দু! তোমরা যদি লাটের এ বিদ্রূপ ব্যঙ্গোক্তির অহঙ্কারিতা আত্মসম্মতির প্রকৃত উত্তর দিতে চাও ত দলে দলে যাইয়া তারকেস্বরে গ্রেপ্তার বরণ কর, দেখাইয়া দাও বাঙ্গালার অযোগ্যশাসককে যে এ আন্দোলন Colossal hoax নহে, বাঙ্গালার—বাঙ্গালীর তথা সমগ্র হিন্দুজাতির প্রাণের আন্দোলন।”

[ ৩৫ ]

“নিজের ছেলে ঘরে থাকিতে পরের ছেলেকে জেলে যেতে বলিতে পারিব না। বাঙ্গালার যুবককে ডাকিবার পূর্বে আমার ছেলেকে সর্বাগ্রে পাঠান চাই।”

[ ৩৬ ]

“আমি আশাকরি বাঙ্গালী আজ জাগিয়াছে—ধর্মের উপর অত্যাচার, নারীর উপর অত্যাচার, বাঙ্গালী আর সহ্য করিবে না। এখনও যদি না জাগিয়া থাকে—তবে এমন একদিন আসিবে যেদিন বাঙ্গালীর অস্তিত্ব পর্যন্ত ধরা পৃষ্ঠ হইতে বিলুপ্ত হইবে। যদি আপনারা আমায় আদেশ করেন তবে আমি নিজে জেলে যেতে প্রস্তুত আছি, জীবন দিয়েও এ আন্দোলন চালাইতে হইবে। ভয় কি? ধর্মের জন্য আত্মদানে এত কুষ্ঠা, বিধা, আশঙ্কা কিসের! মানুষ চাই, এমন গোটা মানুষ চাই যে অসঙ্কচিত চিন্তে বলতে পারে এ প্রাণ বিধাতার দেওয়া বিধাতার কার্যেই উৎসর্গ করিতে প্রস্তুত আছি। বাঙ্গালা দেশে কি মানুষ নাই? আজও কি ধর্মের এ আহ্বান কেহ শুনিতে পাও নাই? যদি তা না পেয়ে থাক, তবে শোন, জাগো, ওঠ, যার প্রাণে শক্তি আছে। শক্তি চাই—শক্তিদাও, শক্তিদাও, তবেই সবচেঁড়া সিদ্ধ হইবে।……জগজ্জননী মা! জাগিয়েদেমা, জাগিয়েদে! বাঙ্গালীর প্রাণে স্বাধীনতা লাভের যে আকাঙ্ক্ষা জাগিয়াছে তাহা আরও দ্বিগুণতর করিয়া জাগিয়েদে!”

### ৩। ভারত ও ভারতবাসী—

[ ১ ]

“ভারতবর্ষ আমাদের মাতৃভূমি, আমাদের পিতৃ পিতামহগণ সহস্র সহস্রবৎসর ধরিয়া এ দেশে বাসকরিয়া গিয়াছেন, এখন আমরা বাল করিতেছি। এ দেশের প্রতি ধূলিকণা আমাদের কাছে অতি পবিত্র।”

[ ২ ]

“দেশ বলিলে আমি ইষ্ট দেবতাকেই বুঝি। পাশ্চাত্যের দার্শনিক ভিত্তির উপর নির্ভর করিয়া আমি জাতীয়তাকে বুঝিতে শিখি নাই।

দেশকে সেবা করিলে মানব সমাজকে সেবা করা হয়। আর মানব সমাজের মনুষ্যত্বের সেবাতেই ভগবানের পূজা সমাপ্ত হয়।”

[ ৩ ]

“আমার কাছে দেশসেবা ইউরোপীয় রাজনীতির অঙ্গকরণ নয়। সে আমার ধর্মের অঙ্গ, আমার জীবন। আমার দেশমাতৃকার মূর্তির মধ্যে আমার ভগবান ও জাগ্রত।”

[ ৪ ]

“দেশের কার্যে আত্মনিয়োগ করিবার অবসর পাইলেই আমি কখনও তাহাতে পশ্চাৎপদ হই নাই, হয়ত সকল সময়ে আমি ঠিক পথ ধরিতে পারি নাই। হয়ত আমি অসঙ্গত পথেই চলিয়া থাকিব কিন্তু একথা ঠিক যে, দেশের স্বার্থ সম্মুখে রাখিয়াই আমি সর্বদা কার্য করিয়াছি।”

[ ৫ ]

“ভারতবর্ষ কোনও দিন বিজিত হয় নাই। ভারতবর্ষ শুধু প্রেম ও স্নানশাসনে শাসিত হইবে এই অঙ্গীকারেই বিদেশীর হাতে আত্মসমর্পণ করিয়াছে। আজ পর্য্যন্ত ভারতবর্ষকে কেহ জয় করিয়া লয় নাই। ভবিষ্যতেও কেহ ইহাকে জয় করিতে পারিবে না।”

[ ৬ ]

“স্বদেশে আমরা কৃতদাস। স্বরাজ ব্যতীত জীবন দুর্ব্বিসহ।…… আমি চাই ভারতীয়দিগকে এখন নিজেদের শাসন প্রণালী নির্ধারণ করিবার ক্ষমতা দেওয়া হউক।”

[ ৭ ]

“আমার হাতে হাতকড়ি ও দেহে লৌহশৃঙ্খলের ভার অল্পভব করিতেছি। ইহা দাসত্বের যজ্ঞপাত্র। অথচ ভারত আজ একটি বৃহৎ

কারাগার। আমি গ্রেপ্তার হই বা না হই তাহাতে কি আসে যায় ? আমি বাঁচিয়া থাকি বা মরিয়া যাই জাতীয় মহাসভার কাজ চালাইতে হইবে।”

[ ৮ ]

“আমি ঘোষণা করিতেছি যে প্রয়োজন হইলে দেশের স্বাধীনতার জন্ত আমি জীবন দান করিতে প্রস্তুত আছি। আমি স্বদেশকে ভাল-বাসি—স্বদেশ শাসন করা আমার জন্মগত অধিকার। যদি এই দেশপ্রীতি অপরাধ হয় তবে আমি অপরাধী, স্বীকার করি। যদি ইহা রাজ-দ্রোহিতা হয় তবে আমি ফাঁসিকাঠে ঝুলিতে রাজি আছি।”

[ ৯ ]

“আমার বিবাদ ব্যক্তিগত ভাবে একেবারেই নহে—আমার দেশের শাসন পদ্ধতির সহিত আমার বিবাদ। এ দেশের কুশাসনের জন্ত এই শাসন পদ্ধতিই দায়ী। শাসনপদ্ধতি মন্দ কেন ? যেহেতু ইহার দায়িত্ব জ্ঞান নাই। ভারতবর্ষের শাসন তন্ত্র কাহার কাছে দায়ী ? ভারতের জনসাধারণের কাছে নহে। বৃটিশ পালিয়ামেন্টের আদেশ-মত ইহা চালিত হয়। এই দায়িত্ব প্রকৃতরূপে উগলকি করিবার চেষ্টা এবং ভারতবর্ষের জন্ত ব্যয় করিবার মত সময় বৃটিশ পালিয়ামেন্টের নাই। এই অবহেলা ঔদাসিন্যের জন্ত নহে, ইহা নিজেদের স্বার্থ রক্ষার নিমিত্ত।”

[ ১০ ]

“আমি এই দেশের উপযোগী করিয়া আমার শাসন বিধিসমূহ গঠন করিবার ক্ষমতা চাহি। সেই গুলি ভবিষ্যতে ‘মহৎ ভারত শাসন নীতি’ রূপে পরিচিত হইবে। উচ্চ উদ্দেশ্য সঞ্চক্ষে আমরা সকলেই এক মত। এক্ষণে আম্মন, সেই জন্ত যুদ্ধ করিবার মত শক্তি সঞ্চয়



করি, আমাদের সমস্ত শক্তির সহিত যুদ্ধ করি এবং যত দিন পর্য্যন্ত সম্পূর্ণরূপে সেই অধিকার প্রাপ্ত না হই ততদিন নিবৃত্ত হইব না।”

[ ১১ ]

“আমরা শুধু ইহা অস্বীকার করিতে চাই যে, এদেশ প্রকৃতই আমাদের—আমরা যে একটা জাতি, তাহা আমরা বুঝিতে চাই, আমাদের যে ব্যক্তিত্ব, স্বাতন্ত্র্য আছে, তাহাও আমরা অস্বীকার করিবার কামনা রাখি।”

[ ১২ ]

“আমি চাই সমস্ত ভারতবর্ষের লোক সমন্বয়ে বলিবে, আমাদের শাসনকার্য্য আমরা চালাইব। ইহা আমাদের জন্মগত অধিকার। কোন শাসনতন্ত্রই আমাদিগকে এই অধিকার হইতে বঞ্চিত করিতে পারে না। যে মুহূর্ত্তে তোমরা ইহা বুঝিবে সেই মুহূর্ত্তেই তোমরা স্বরাজ পাইবে।”

[ ১৩ ]

“সকল প্রজা যখন এক হইয়া আন্তরিক মিলনে মিলিত হইয়া বলে ‘চাই’, জগতে এমন কোন রাজশক্তি নাই—যাহা সেই সমবেত আকাঙ্ক্ষার অপ্রতিহত বেগ রোধ করিতে পারে। এস ভাই খৃষ্টিয়ান খৃষ্টের নামে প্রাণে প্রাণে বল ‘চাই’! এস ভাই মুসলমান আল্লাহর নামে প্রাণে প্রাণে বল ‘চাই’! এস ভাই হিন্দু তুমি নারায়ণের নামে প্রাণকে সাক্ষী রাখিয়া বল ‘চাই’! ঐ যে মা ডাকিতেছে এস এস সবাই এস! সন্মুখে বিস্তৃত কার্য্য, এস এস সবাই এস! বল ঈশ্বর! বল আল্লা! বল নারায়ণ! বল বন্দেমাতরম্!”

[ ১৪ ]

“এস ভাইসকল আমরা এই অন্ধকার কাল শ্রোতে ঝাঁপ দিই। এস আমরা চৌষট্টিকোটি ভুজ্জে ও প্রতিমা তুলিয়া তেত্রিশকোটি মাথায় বহিয়া মা’র প্রতিমা ঘরে আনি। এস, অন্ধকারে ভয় কি? ঐ যে নক্ষত্র সকল মধ্যে মধ্যে উঠিতেছে নিবিতেছে; উহারা পথ দেখাইবে—চল! চল! অসংখ্য বাহুর প্রক্ষেপে: এই কালসমুদ্র তাড়িত, মথিত, ব্যস্ত করিয়া আমরা সন্তরণ করি—সেই স্বর্ণ প্রতিমা মাথায় করিয়া আনি, ভয় কি? না হয় ডুবিব! মাতৃহীনের জীবনে কাষ কি?”

[ ১৫ ]

“আমার কি হবে জানি না, জানি না আজকের এই সব জীবন কি হবে, শুধু এই কথা জানি, জগতে জাগতে হবে। আজ আমার চোখের সামনে সেই ছবি শুধু জাগে—মিলিত ভারত একটি উন্নত গৌরবাস্থিত জাতি। তখন আমি জীবিত থাকি বা না থাকি, আমার পুত্র কন্তা জীবিত থাকে বা না থাকে, একটি জাতি জাগবে—আত্ম-প্রতিষ্ঠায়—আত্ম গরিমায়—এমুর্ত্তি আমার লক্ষ্য। প্রয়োজন হলে এই সাধনায় আমি জীবনের প্রিয়তম সব কিছু বিসর্জন দিব; এবং এই সাধনায় যদি মরে যাই ক্ষতি কি? যদি মরি আমার দৃঢ় বিশ্বাস, আবার আমি এই মাটিতেই জন্মাব, বারে বারে, প্রতি জন্মে জন্মে, এরি মাটির কোলে এসে এসে সমস্ত প্রাণ মন দিয়ে এর পূজা ক’রে ফিরে যাব, আবার আসব যতদিন না আমার আশা ও ধ্যান মূর্ত হয়ে উঠবে।”

[ ১৬ ]

“রেভোলিউশনারদের অনেককে আমি অত্যন্ত ভালবাসি, কিন্তু এদের কাজ দেশের পক্ষে একেবারে ভয়ঙ্কর মারাত্মক। এই

একটিভিটিতে সমস্ত দেশ অন্ততঃ ২৫ বছর পেছিয়ে যাবে। তা ছাড়া এর মস্ত দোষ এই যে, স্বরাজ পাবার পরেও এজিনিষ যাবে না। তখন আরও স্পর্ধিত হইয়া উঠিবে, সামান্য মতভেদে একেবারে সিভিল ওয়ার বেধে যাবে। খুনোখুনি রক্তারক্তি আমি অন্তরের সহিত ঘৃণা করি।”

[ ১৭ ]

“স্বাধীনতা বা মুক্তি সর্ববিধ সংঘের অভাব নহে; বরং যে অবস্থায় জাতি তাহার স্বতন্ত্র স্বরাজ লাভ করিতে পারে ও স্বীয় ভাগ্য নিয়ন্ত্রিত করিতে পারে, সেই অবস্থাই স্বাধীনতা বা মুক্তি।”

[ ১৮ ]

“আমরা দাসের জাতিতে পরিণত হইতেছি। ভারতের প্রাণ পল্লীগ্রামে প্রবেশ করিলে দেখা যায় গ্রামবাসীরা শ্রমশীল, নির্ভীক, কিন্তু ললাটে তাহাদের পরাধীনতা জনিত দুর্দগা অনপনেয় ভাবে অঙ্কিত। বৎসর বৎসর যে ভারতবর্ষ হইতে কোটি কোটি টাকা বিদেশে যায়, আমরা তার বিনিময়ে অতি যৎসামান্যই লাভ করি। আগরা বিজ্ঞেতাদের ভাষা ব্যবহার করি, তাহাদের আচার ব্যবহার অনুকরণ করি, আমরা আমাদের পদ্ধতি ও অনুষ্ঠান অবহেলা করিয়া তাহাদের পদ্ধতি ও প্রতিষ্ঠান লাভ করিতে ব্যগ্র হই।”

[ ১৯ ]

“আমরা যে শিক্ষিত বলিয়া অহঙ্কার করি সেই আমরা দেশের কতটুকু স্থান অধিকার করিয়া থাকি? দেশের আপামর সাধারণের সঙ্গে আমাদের যোগ কোথায়? আমরা যাহা ভাবি, তাহারা কি তাহা ভাবে? সত্য কথা বলিতে হইলৈ কি স্বীকার করিব না যে.

আমাদের উপর আমাদের দেশবাসীর সেরূপ আস্থা নাই, আমরা যে তাহাদিগকে ঘৃণা করি ; কোন কাজে তাহাদের ডাকি ?”

[ ২০ ]

“যাহারা কৃষিকার্য্য করে, তাহারাই এদেশের প্রকৃতলোক, জাতি বলিতে তাহাদিগকেই বুঝায়। যদি কখনও এদেশের উন্নতি ঘটে, ভগবানের আশীর্ব্বাদে নিশ্চয়ই ঘটবে,—বিশ্ববাসীর সম্মুখে ইহারা জাতীয়ত্বের দাবী লইয়া দাঁড়াইবে ; তবে তৎপূর্বে এদেশের কৃষিকার্য্যের উন্নতি হওয়া চাই।”

[ ২১ ]

“আমাদের দেশের কৃষকসম্প্রদায় উন্নত অবস্থায় জীবনধারণ করিবে, ইহা জাতির মঙ্গলের জন্য অত্যাৱশ্যক। যাহারা এদেশে ‘স্বরাষ্ট্র’ বা স্বাধীন শাসনের প্রতিষ্ঠার কামনা করেন, তাহাদিগকে মনে রাখিতে হইবে যে এই কার্য্য সৰ্ব্বাগ্রে প্রয়োজন।”

[ ২২ ]

“আজ আমাদের দেশে মনে বাক্যে শুদ্ধ হইতে হইবে ; ভেদাভেদ, হিংসাঘেব ভুলিয়া মিলনের সূত্রে আবদ্ধ হইতে হইবে। প্রাণের সহিত প্রাণের সত্যিকার নিবিড় আলিঙ্গনে এক হইতে হইবে। তাই আজ মায়ের নামে প্রেমের জোয়ার দেশ ভাসাইয়া ছুটিয়া চলিয়াছে। এ জলতরঙ্গ রোধিতে পারে জগতে এমন শক্তি নাই।”

[ ২৩ ]

“হিন্দুর সহিত মুসলমানের জাতিগত বিরোধ মুসলমান আমলে ছিল না। টোডরমল্ল, বীরবল, যশোবন্তসিংহ, মালদাসিংহ মুসলমান সম্রাটের দক্ষিণ-হস্ত ছিলেন। এখনও হায়দরাবাদে যেখানে হিন্দু প্রজা বৈশী, রাজা মুসলমান ; অথবা কাশ্মীরে যেখানে মুসলমান প্রজা বৈশী,

রাজা হিন্দু; সেখানে ‘হিন্দুমুসলমান’ বিরোধ নাই। বিরোধের সৃষ্টি ব্রটিশ শাসনে। কিন্তু আজ ভারতমাতার দুটি সন্তান হিন্দু মুসলমান বুঝিয়াছে যে উভয়েরই স্বার্থ এক—বিদেশীর স্বার্থ, উভয়কে বিভিন্ন রাখা।”

[ ২৪ ]

“উপযুক্তরূপে সংঘবদ্ধ না হইলে এবং আমাদের অহুষ্ঠানের স্বরূপ লোকে না বুঝিলে আমাদের অবাধে সাফল্য লাভ অসম্ভব। হাদ্বামা হওয়া সত্ত্বেও আমাদের মত জনগণের কাছে প্রচার করিতেই হইবে। জগতে প্রত্যেক উল্লেখযোগ্য অহুষ্ঠানেই চাঞ্চল্য ও রক্তপাত হইয়াছে—খৃষ্টধর্ম প্রচারেও এই নিয়মের ব্যতিক্রম হয় নাই। কিন্তু সেজ্ঞা কি মত প্রচারে বিরত হওয়া সঙ্গত?.....নানা স্থানে নেতৃগণের অত্যায অবরোধে যে জনগণ বিচলিত হয় নাই—শাস্তি ভঙ্গ হয় নাই, তাহাতেই বুঝিতে পারা যায়—লোক অহিংস অসহযোগের ধর্ম গ্রহণ করিয়াছে। দেশবাসী সাহসের, ধৈর্যের ও সংঘমের যে দৃষ্টান্ত দেখাইয়াছে তাহাতেই বুঝিতে পারা যায়—আমাদের সাধনার সিদ্ধি অদূরবর্তিনী।”

[ ২৫ ]

“আজ যাহারা দেশসেবার জ্ঞান লাভনা সহ্য করিতেছেন, তাঁহাদের মুখ দেখিলেই বুঝিতে পারা যায়—আমাদের জয় অবশ্যজ্ঞাবী। মোলানা-সৌকতআলী ও মোলানা মহম্মদআলী যে লাভনা সহ্য করিয়াছেন, তাহা ব্যর্থ হইতে পারে না। বীরবর লাল লজপৎ রায় যে ব্যুরো-ক্রেশীর আশ্রয় আশ্রয় করিয়া কারাগারে গমন করিয়াছেন, সে তেজ ব্যর্থ হইবার নহে। পণ্ডিত মতিলাল নেহরু যে ঐশ্বর্য ত্যাগ করিয়া, যে আদেশ তাঁহাকে দাসত্বে পরিণত করে, তাহা অবজ্ঞা করিয়াছেন—

সে ত্যাগ কি ব্যর্থ হইতে পারে? তাঁহারা আমাদের জন্ম যাত্রায় পথিপ্রদর্শক—তাঁহাদের আদর্শের বর্ত্তিকালোক .আমাদিগকে অন্ধকারে পথ দেখাইয়া লইয়া যাইবে।”

[ ২৬ ]

“ভগবান কেবল একবার ক্রুশে বিদ্ধ হন নাই, অত্যাচারী ও উৎপীড়নকারীরা বার বার মনুষ্যত্বকে এইরূপে ক্রুশে বদ্ধ করিয়াছে এবং মনুষ্যত্বের উপর এরূপ প্রত্যেক অত্যাচার ভগবানের পবিত্র দেহে এক একটি নূতন পেরেক প্রবেশ করাইয়া দিতেছে।”

[ ২৭ ]

“অত্যাচারই অত্যাচারের সৃষ্টি করে।.....গভর্নমেন্টের হিংসা-মূলক শাসনপদ্ধতিই দেশের প্রজাশক্তির মধ্যে একটা বিদ্রোহের ভাব সৃষ্টি করিয়াছে।”

[ ২৮ ]

“দেড়শত বৎসর শাসনের পরও যদি দেশের জনসাধারণ অশিক্ষিতই রহিয়া থাকে, তবে এত দীর্ঘকাল ধরিয়া গভর্নমেন্ট কি করিলেন? স্বায়ত্ত শাসন প্রবর্ত্তিত হইলে অদূর ভবিষ্যতে, বিশবৎসরের মধ্যে ভারতবর্ষের এমন অবস্থা ঘটিবে যে, ভারতের কোনও স্থলে একটি নিরক্ষর লোক দেখা যাইবে না।”

[ ২৯ ]

“গভর্নমেন্টকে জিজ্ঞাসা করি—বিগত দেড়শত বৎসরের মধ্যে তোমরা এমন কি করিয়াছ যাহাতে এ দেশের লোক স্বাধীন হইতে পারে, অথবা এমন কি শিক্ষা দিয়াছ, যাহাতে তাহারা স্বাধীন হইবার যোগ্য হইতে পারে?”

[ ৩০ ]

“এই দেশের রাজত্বের সঙ্গে ইংরাজের অবস্থার কি শতসহস্রগুণ উন্নতি হয় নাই? সমগ্র মানবসমাজে যে ইংরাজ আজ শীর্ষস্থান অধিকার করিয়াছে তাহাতে কি বাংলার সমস্ত ভারতবর্ষের কোন হাতই নাই? এই যে কৃতজ্ঞতা ইহা কি শুধু আমাদেরই? ইংরাজের কৃতজ্ঞতা হইবার কি কোন কারণ নাই? এই যে প্রাচ্য প্রতীচ্যের মিলন ইহাতে আমাদের ও তোমাদের পরস্পরের কৃতজ্ঞ হওয়া কর্তব্য। আমরা চিরকালই আমাদের কৃতজ্ঞতা প্রকাশ করিয়া আসিতেছি ও কার্যক্ষেত্রে সহস্র প্রকারের সেবা দ্বারা তাহার প্রমাণ দিয়াছি। তোমাদের যে কৃতজ্ঞতা তাহার প্রমাণ আজ চাই। শুধু মুখের কথায় আর আমরা ভুলিব না। আমাদের যে নিজের হাতে নিজের কাজ করিবার নিত্যন্ত ঞ্চায়সঙ্গত আকাজক্ষা সে আকাজক্ষা যদি পূর্ণ না কর—এই সামান্য অধিকার যদি আমাদের না দাও, তবে তোমাদের কৃতজ্ঞতার কোনও অর্থ নাই।”

[ ৩১ ]

“সংগ্রাম ব্যতীত আমরা ইংরাজের নিকট হইতে কিছুই আদায় করিতে পারিব না—যদিও সেই সংগ্রাম নিরুপদ্রব ও বৈধভাবে করিতে হইবে এবং সেই সংগ্রামের জন্ত আমাদেরকে প্রথমই লোকমত গঠন করিয়া নিতে হইবে।”

[ ৩২ ]

“আনন্দের দিনে আমরা আত্মহারা হইয়া যাই; কিন্তু দুঃখের দিনে আপনাকে দেখিতে পাই ও ভগবানের বাণী শুনিতে পাই।”

[ ৩৩ ]

“আজ এই দুর্দিনের দুর্ধোগে আমাদের নিজ নিজ অস্তরের মধ্যে

প্রবেশ করিতে হইবে ও অবনত মস্তকে ভগবানের কৃপা ভিক্ষা করিতে হইবে।...আজি এই জাতির বিপদের দিনে এই জাতির যে আত্মা তাঁহাকেই অনুসন্ধান করিব।”

[ ৩৪ ]

“এস আমরা আজ প্রেমের মস্ত্রে দীক্ষিত হইয়া লক্ষ্য কণ্ঠে বলি—  
‘উত্তীর্ণতঃ জাগ্রতঃ প্রাপ্যবরণ্ নিবোধতঃ’—।.....পাশববলে  
আত্মাকে পাইব না। এই বল প্রেমের বল। যদি কেউ স্বদেশকে  
ভালবাস, স্বজাতিকে ভালবাস তবেই মুক্তকণ্ঠে বলিতে পারিবে—  
‘নাময়মায়া বলহীনেন লভ্য’—।.....এই বাণীকে সার্থক করিতে হইলে  
সকল স্বার্থপরতাকে, সকল হিংসা-ঘৃণা-বিদ্বেষকে বিসর্জন করিতে  
হইবে। সকল হিংসাদেব বর্জন করিধা দেশপ্রেমকে জাগাইয়া  
রাখিতে হইবে, কারণ প্রেমের জয় অনিবার্য।”

[ ৩৫ ]

“জীবন সন্ধ্যায় শঙ্খরোল কাণে আসিতেছে। দুঃখ আমার কিছুই  
নাই, কিন্তু ১৯২৬ খৃষ্টাব্দে আমার সমস্ত শক্তি ও সাধনা দেশের পক্ষে  
যে অত্যাবশ্যক, জাতীয় ইতিহাসের সেই সঙ্কট সময়ে দেশ কি ইহা  
হইতে বঞ্চিত হইবে?”

## ৪। স্বরাজ সংগ্রাম ও দেশের কাজ—

[ ১ ]

“আমার নিজের যেটুকু অধিকার, তাহা ভগবানের দান, কোনও  
মানুষের তাহা কাড়িয়া লইবার অধিকার নাই।.....প্রত্যেক মনুষ্য-  
জাতি স্বাধীন। আমরা কোন জাতির অধিকার হরণ করিতে চাই না,  
কিন্তু অগ্র কোন জাতি যেন আমাদের প্রকৃতিগত উন্নতির পথ রোধ



না করে।.....এই অত্যাচারে নিপীড়িত ভারতবর্ষে এই জীবন-নিষ্পেশনকারী আমলাতন্ত্রের অসংসদ পরিত্যাগ কর।”

[ ২ ]

“এস ভাই উন্মুক্ত আকাশের নীচে, এস চাষার সঙ্গে যাদের যুগা কর্তাম তাদের সঙ্গে। বাঙ্গলা ত্যাগমন্ত্রে এক হউক। জগতে দেখাই ভারতে ত্যাগেরই জয়, ভোগের জয় কখনো নয়। দলে দলে ছেলে বেরও ; দেশে দেশে যাও। গ্রামে গ্রামে কংগ্রেস সমিতি খুলুক। চরকার কাজে লাগ। চরকার পুনরুত্থানে স্বরাজ প্রতিষ্ঠা হবে।”

[ ৩ ]

“স্বরাজ বিনা চেষ্টায়, বিনা সাধনায়, গাছের ফলের মত পড়বে না। বিধাতার জগতে যে যা চায় সে তাই পায়। আমার জীবনে দেখিতেছি আমি যখনই যা প্রাণ দিয়ে চেয়েছি, তাই পেয়েছি। প্রাণের সাধনা না হলে কোন মূল্যবান জিনিস লাভ হয় না। যখন দেখ্বে আপনাদের এই চাওয়াটা অশাস্ত পাখীর মত পাখা বাপ্টাইতে থাক্বে তখনই বৃব্ আপনারা বাস্তবিক স্বরাজ চান। আমার প্রাণে কে যেন অলক্ষ্যে লিখে দিয়েছে স্বরাজ ছাড়া জীবন রাখা বৃথা।”

[ ৪ ]

“এই স্বরাজ সংগ্রামে চাই ত্যাগ। আপনারা ত্যাগ করিতে ভয় পান, বলেন অনেক difficulty আছে,—আমার চাইতে আপনাদের difficulty বেশী নয়। বাঁধা মাসিক charity আমার ছ’হাজারের উপর ছিল, আমি তাহা নিঃস্বভাবে কেটে দিয়েছি। তা’ বন্ধ করিতে আমার প্রাণে যে কত বড় বেদনা লেগেছে তা আপনাদের কি বল্বে ?

যারা প্রতি মাসে আমার মুখের দিকে চেয়ে থাকত আমি তাদের নিরাশ করেছি।”

[ ৫ ]

“স্বরাজের জন্ত আমার যাহা কিছু প্রেম ও শ্রেয় তাহাই প্রয়োগ করিব। স্বরাজ লাভের পূর্বে যদি এ দেশের কাজ করিতে করিতে আমার মৃত্যু হয় আবার এই বাঙ্গলা দেশে জন্মগ্রহণ করিব যত দিন না স্বাধীনতা লাভ হয় এই দেশজননার ক্রোড়ে পুনঃ পুনঃ জন্মগ্রহণ করিয়া এই দেশের সেবায় আত্মবিসর্জন দিব।”

[ ৬ ]

“আমাকে যদি বাঁচিতে হয় স্বরাজের জন্তই বাঁচিব, যদি মরিতে হয় স্বরাজের জন্তই মরিব।”

[ ৭ ]

“আজ আমি মুক্তকণ্ঠে স্বীকার করিতে প্রস্তুত যে এই যে আন্দোলন, ইংরাজীতে যাহাকে রাজনীতি বলে, ইহা তাহার আন্দোলন নহে। ইহা প্রেমের আন্দোলন, ধর্মের আন্দোলন, আমাদের জাতীয় জীবনের স্পন্দন, এই আন্দোলনকে সফল করিবার একমাত্র উপায় আত্মনিবেদন।.....গঠনমূলক কার্য আরম্ভ করিবার স্বযোগ লাভ করিতে হইলে আমাদের প্রচুর ত্যাগ করিতে হইবে।”

[ ৮ ]

“আমার নিজের ঘরেই যদি আত্মসম্মান বজায় রাখিয়া চলিতে না পারি, নিজের দেশেই যদি পশুর মত হইয়া থাকিতে হয়, তবে আমার মান, ধর্ম থাকিল কই?.....আমার আহাৰ জোটে না, বজ্রভাবে লজ্জারক্ষা হয় না। আমার স্ত্রীপুত্রের পদে পদে লাঞ্ছনা ভোগ করিতে হয়—আমার দেশবাসীকে কীট পতঙ্গের মত প্রাণ হারাইতে হয়।

সে কারণ স্বরাজ আমাদের চাই। সেখানে হিন্দু মুসলমানের কথা নয়—কথা মাহুঘের, কথা খার্মিকের।”

[ ৯ ]

“সংস্কার, সংস্কার! আমরা উহার কিছুই চাই না। তোমার দান ফিরাইয়া লও। যদি ব্যুরোক্রেসীর দাসত্বই করিতে হয়, যদি আমাদের প্রতিপদেই বাধা বিঘ্ন ঘটাইতে চাও, যদি ব্যুরোক্রেসীর ইচ্ছা মাত্রই আমাদের সকল চেষ্টা ব্যর্থ হইয়া যাইতে পারে, তবে ঐরূপ সংস্কারে আমাদের প্রয়োজন নাই।”

[ ১০ ]

“আমি যদি বুঝিতাম এই Reform Actএ সত্যিকার কোন ক্ষমতাও দায়িত্ব যথার্থই আমাদের কাছে ছাড়িয়া দেওয়া হইয়াছে...বাহার বলে—আমরা জাতীয় অভাব সকল পূরণ করিয়া জাতীয় উন্নতির পথে অগ্রসর হইতে পারি তাহাইলে আমি তৎক্ষণাৎ গভর্নমেন্টের সহিত একত্রে কার্য করিতে স্বীকৃত হইয়া Council Chamberএর ভিতরে থাকিয়াই জাতির গঠনমূলক কার্যে প্রবৃত্ত হইতাম ও আমার দেশবাসীকে সেরূপ করিতে পরামর্শ দিতাম, কিন্তু মন্ত্রীচাকার পশ্চাতে ছুটিয়া আমি আসল বস্তুটি পরিত্যাগ করিতে ইচ্ছুক নহি।..... গভর্নমেন্টের সহিত একত্রে কাজ করিতে আমাদের কোনই আপত্তি নাই কেবল যদি গভর্নমেন্ট বিশ্বাস করিয়া সত্যিকার ক্ষমতা ও দায়িত্ব আমাদের উপর ছাড়িয়া দেন এবং কাজ করিতে কোন বাধা না দেন।”

[ ১১ ]

“বর্তমান Reform Actএর আসল কথা হইতেছে যে, গভর্নমেন্ট

মন্ত্রীদিগকে বিশ্বাস করে না। যেখানে এইরূপ অবিশ্বাস মনের মধ্যে থাকে, সেখানে সহযোগিতার কথা মুখেও আনা যায় না।”

[ ১২ ]

“ভদ্রমহোদয়গণ, এ কথাটা ভাল করিয়া চিন্তা করিয়া দেখিবেন। যদি আপনারা নিজেদের স্বায়ত্ত্বশাসনের যোগ্য বলিয়া মনে করেন, তবে আজ হইতে এই ব্রত গ্রহণ করুন যে, এজ্ঞা তীব্র আন্দোলন করিবেন। শুধু কথাতেই অধিকার জন্মে না। কখনও তাহা হয় নাই। নিজের অবস্থা যদি বুঝিয়া থাকেন, তবেই অধিকার পাইবেন। যদি ইতস্ততঃ করেন, তবে মারা যাইবেন, কিছুই পাইবেন না। জাতির অধিকার কাপুরুষের যোগ্য নহে।”

[ ১৩ ]

“স্বরাজ মানে তোমার অন্তরে অন্তরে যে প্রকৃতি আছে, সে প্রকৃতিকে উপলব্ধি করা।...যারা মনে করেন স্বরাজ একটা শাসন প্রণালী তাঁরা জানেন না যে, স্বরাজ হলে তবে শাসন-প্রণালী প্রতিষ্ঠিত হয়। স্বরাজ আগে, শাসন-প্রণালী প্রতিষ্ঠা পরে। স্বরাজ অর্থ কি? স্বরাজ অর্থ হিন্দু-মুসলমান মিলে যে নবীনজাতি গড়ে উঠেছে, তাদের শুদ্ধ মনের সম্মিলিত ইচ্ছায় প্রতিষ্ঠিত যে জীবন-প্রণালী।”

[ ১৪ ]

“আমরা আমলাতন্ত্র চাহি না, আমরা চাই স্বায়ত্ত্বশাসন। এই স্বায়ত্ত্বশাসনে দেশের লোকেরই কর্তৃত্ব থাকিবে এবং ইহা দেশের লোকের জন্মই প্রতিষ্ঠিত হইবে—ইহাতে প্রবল প্রতাপাশ্রিত জমীদার হইতে নিঃস্ব প্রজা পর্য্যন্ত সকলেরই সমান অধিকার থাকিবে।”

[ ১৫ ]

“বিশ্বাস চাই, কাজের ক্ষমতা চাই, শক্তি চাই।...চাই বিদেশীর হাত হ’তে মুক্তি পেতে—চাই অপবিজ্ঞতা, মনুষ্যত্বহীনতার হাত হ’তে নিজেদের উদ্ধার করিতে।”

[ ১৬ ]

“আমি প্রত্যেককে মনে রাখিতে ও বিশ্বাস রাখিতে বলি যে, আমাদের সিদ্ধি নির্ভর করিতেছে সম্পূর্ণরূপে শাস্ত সংঘত ও উপদ্রব-বিহীন থাকিবার উপর।...আমাদিগকে বুঝিতে হইবে যে, আমরা জনসাধারণকে শাস্ত ও সংঘত রাখিতে যে পরিমাণে অসমর্থ হইব—তা তাহারা গুণ্ডাই হউক—আমাদের অসহযোগ ব্রতও সেই পরিমাণে নিষ্ফল। দায়িত্ব সবই আমাদের।”

[ ১৭ ]

“যিনি স্বায়ত্তশাসনের পক্ষে দাঁড়াইবেন, তিনি ভারতীয়ই হউন আর ইউরোপীয়ই হউন, তিনি মনুষ্যত্ব ও দেবত্বের অনুবর্তক বলিয়া মনে ভাবিব।”

[ ১৮ ]

“যে দাসত্বের লৌহশৃঙ্খল কৃতদাসের গলায় বলপূর্বক বন্ধন করিয়া দেয় সেও পাপ করে, আর যে ক্লীব ভীক দাসত্বের শৃঙ্খলে আবদ্ধ হইবার সম্মত বাধা দেয় না, সেও পাপ করে।”

[ ১৯ ]

“ঐতশাসনে আমার আস্থা নাই, ইহার সঙ্গে আমার কোন সংশ্লব নাই, কোন যোগ নাই, আমি কোন আনুকূল্য করিতে চাই না, কারণ এ শাসন পদ্ধতি হইতে আমার দেশের কোন কল্যাণ সাধিত হইতে পারে না।”

[ ২০ ]

“যে শাসন পদ্ধতি আমার এদেশের কোনও মঙ্গল করে না, করিতে পারে না, আমরা তাহাকে ধ্বংস করিতে চাই। আমরা এই শাসন যন্ত্র ভাঙ্গিতে চাই, কারণ আমাদের উদ্দেশ্য, ইহার স্থলে আমরা এমন যন্ত্র প্রস্তুত করিব, যাহার দ্বারা দেশের আপামর সাধারণের কল্যাণ সাধিত হইতে পারে।...আমাদের দেশের শাসনপদ্ধতি অধর্মমূলক ও অকল্যাণকর। যে উপায়ে ইংলণ্ডের প্রকৃতিপুঞ্জ স্বাধীনতা অর্জন করিয়াছে, যে উপায় ইংলণ্ডের পক্ষে ভাল বলে বিবেচিত হয়, আশ্চর্যের বিষয় ঠিক সেই উপায় এই দেশে অবলম্বিত হইলে তাহা নিন্দিত হয়।.....স্বাধীনতার আকাজক্ষায় ধ্বনিত প্রত্যেক কণ্ঠ রুদ্ধ, স্বাধীনতা লাভের জন্য প্রত্যেক ক্ষুদ্র চেষ্টা নিন্দিত ও বাধাপ্রাপ্ত। আমাদের মুক্তির জন্য আমরা যাহা কিছু করিতে চাই, তাহা ঘৃণিত অপরাধ বলিয়া গণ্য। দেশের এই অবস্থা, আমাদের এই অবস্থা।.....আমাদের বিশ্বাস, বর্তমান শাসন পদ্ধতি অত্যাচার ও অধর্মমূলক এবং কোন সংলোক আত্মসম্মান রক্ষা করিয়া এই গভর্ণমেন্টের সহিত সহযোগিতা করিতে পারে না।.....যে গভর্ণমেন্ট সং, সম্মানাহঁ এবং প্রজাহিতরত, সেরূপ গভর্ণমেন্টের সহিত আমরা সহযোগিতা করিতে সর্বদা প্রস্তুত।”

[ ২১ ]

“ইংরাজ যদি ভারতবাসীর জন্মগত অধিকার স্বীকার করেন, তবেই ইংরাজের সহিত সহযোগ করিতে সম্মত হইব—নহিলে নহে। যে জাতি আমাদের দেশাত্মবোধের পথ বিঘ্নবহুল করে, সে জাতি আমাদের মিত্র নহে।.....আমরা মুক্তি চাহি, মুক্তি লাভ আমাদের কাম্য। আমরা সেজন্ত চেষ্টা করিব—যদি পরাভূত হই, তবুও আমাদের জাতীয় আত্মসম্মান ক্ষুণ্ণ হইবে না।”

[ २२ ]

“ভারত-শাসন-আইন সরকারের সহিত সহযোগের ভিত্তিরূপে পরিগৃহীত হইতে পারে না। ভারতবাসী অসম্মান জনক শাস্তি চাহে না—যতক্ষণ ভারত-শাসন-আইনের মুখবন্ধ বিদ্যমান থাকিবে এবং আমাদের আত্মকার্য নিয়ন্ত্রণের, আত্মবিকাশের ও আত্মবোধের অধিকার অস্বীকৃত রহিবে, ততদিন মিটমাটের কথা উঠিতে পারে না।”

[ ୧୭ ]

“( হে শাসক জাতি ! ) তোমরা ও একই ভাবে অনুপ্রাণিত হইয়া তোমাদের কর্তব্য পালনে তৎপর হও, সম্মুখে অগ্রসর হও, জাতিগত বৈষম্যের কথা বিস্মৃত হও, বুখা আত্মমর্য্যাদা-জ্ঞানকে সরাইয়া দাও, আমাদের পার্শ্বে আসিয়া দাঁড়াও—আমাদের হাত ধরিয়া থাক, আমরাদিগকে আপনার করিয়া লও, দেখিবে এদেশে আমরা এমন এক দল গঠন করিয়া তুলিব যে বৈদেশিক আক্রমণকারীর শক্তি যতই প্রবল পরাক্রান্ত হউক না কেন, আমরা তাহাকে পরাজিত করিয়া হটাইয়া দিব। ”

[ 28 ]

“স্বায়ত্বশাসন শুধু কয়েকজন শিক্ষিত ভারতবাসীর মধ্যে আবদ্ধ থাকিবে না। দেশের আপামর জনসাধারণ প্রজা ও কৃষক যাহাতে স্বায়ত্বশাসনের সুধাময় আশ্বাদ পায়, আমাদের কার্য্য তাহাই। স্বার্থপরতা আমাদের নাই।..... আমি চাই সমষ্টির কল্যাণ, সমগ্র দেশবাসীর সুখ-স্বাচ্ছন্দ্য ও স্বাধীনতা। আমার কি হইবে, তাহা আমি জানিতে চাই না, বর্ত্তমান বাঙ্গালীর কি হইবে, তাহাও জানিবার প্রয়োজন নাই, আজিকার শিক্ষিত সম্প্রদায়ের ভবিষ্যৎ কি

হইবে, তাহাও জানিবার প্রয়োজন নাই। আমি শুধু চাই আমার জাতির কি হইবে।”

[ ২৫ ]

“ইহা হিন্দুদিগের স্বায়ত্তশাসন হইবে না, মুসলমানদিগের স্বায়ত্তশাসন হইবে না, জমীদারদিগের স্বায়ত্তশাসন হইবে না, ইহা হইতেছে সমগ্র বাঙ্গলার প্রজাতন্ত্রের স্বায়ত্তশাসন, ইহাতে সকলের স্বার্থ সমভাবে রক্ষিত হইবে এবং বাহারা সমাজে প্রপীড়িত, তাহাদের বলিতে হইবে, এমন স্বায়ত্তশাসন যত শীঘ্র স্থাপিত হয় ততই তাহাদের পক্ষে মঙ্গলজনক। এই দায়িত্বপূর্ণ শাসন প্রণালীতে তাহাদের নিকট যে ক্ষমতা আসিবে, তাহাতে তাহারা সকল অত্যাচার রোধ করিতে পারিবে।”

[ ২৬ ]

“ভিন্ন ভিন্ন সমাজ ও ভিন্ন ভিন্ন স্বার্থের লোককে একতাবদ্ধ করিতে হইলে, এবং সর্ব সাধারণের ভিতর শিক্ষার বিস্তার করিতে হইলে, তাহাদিগকে একত্র লইয়া একই মঙ্গল উদ্দেশ্য সাধনের সুযোগ দিতে হইবে; সুতরাং আমাদের ধর্মগত, জাতিগত ও পার্থক্য বৈষম্য ও অনৈক্য দূর করিতে হইলে সম্পূর্ণ স্বায়ত্তশাসনই একমাত্র উপায়।”

[ ২৭ ]

“আমলাতন্ত্রের নিকট হইতে কোনও রাজনৈতিক অধিকার পাইবার আশা বৃথা। আমাদিগকে আমলাতন্ত্রের পরিচালকদের নিকট যাইতে হইবে। বৃটিশ জনসাধারণের নিকট আমাদের নায্য দাবী উপস্থিত করিতে হইবে।”

[ ২৮ ]

“স্বায়ত্তশাসন ব্যাপারে গভর্ণমেন্ট আমাদিগকে কতটুকু অধিকার দিবেন এবং কতটুকু দিবেন না, এসমস্ত ভাবিবার আমাদের প্রয়োজন



নাই। দেশের মঙ্গলের জন্ত আমরাদিগের যতটুকু অধিকারের প্রয়োজন, আমরাগকে ততটুকুই দাবী করিতে হইবে, গভর্ণমেন্ট দিবেন কি না দিবেন তাহা ভবিষ্যৎ আবশ্যকতা নাই। আপনারা ভীত হইয়া কোন কাজ করিবেন না, তাহাই গভর্ণমেন্টের নিকট নির্ভয়ে উপস্থিত করিতে হইবে।”

[ ২৯ ]

“গভর্ণমেন্ট যাহাই করুন, আমরা তাহাতে ভীত নহি,—আমাদের দেশবাসীগণ আমাদের সহায়। এই Councilই আমাদের মুক্তির এক মাত্র সোপান নহে। আমি জোর করিয়া বলিতেছি তাহা নহে। অনেকে বলিয়া থাকেন, ইংলণ্ডের বর্তমান রক্ষণশীল গভর্ণমেন্ট ভয় পাইয়া কিছু করিবার পাত্র নহেন। আমাদের রক্ষণশীল ইংরেজ-শাসন-বিধাতাগণ ভয় পাইবেন কিনা তাহা আদৌ আমার চিন্তার বিষয় নহে। ভয় দেখাইয়া তাঁহাদের নিকট কিছু আদায় করিবার প্রবৃত্তিও আমার নাই। কিন্তু ইহা নিশ্চয় এই রক্ষণশীল গভর্ণমেন্টও বিলক্ষণ জানেন যে, জাতীয় আকাজক্ষা বলিয়া যে অমর-শক্তি জাতির হৃদয়ে বিদ্যমান থাকে তাহার সাফল্য কোন রকমেই রোধ করা যায় না। গভর্ণমেন্ট রক্ষণশীল হউক, শ্রমিক হউক, বা উদারনীতিক হউক, তাহাতে কিছু আসে যায় না। ভারতবাসীর নিগূঢ় আকাজক্ষা ফলবতী করাই আমার একমাত্র কাজ, আমি আজ সেই আকাজক্ষা বিঘোষিত করিতেছি। গভর্ণমেন্টের নীতিপদ্ধতি যাহাই হউক, ভারতবর্ষের মত মহৎ ও গৌরবময় দেশের মৰ্ম্মগত আকাজক্ষা রোধ করা পৃথিবীর কোনও গভর্ণমেন্টের সাধ্যায়ত্ত্ব নহে।”

[ ৩০ ]

“এই যে রাষ্ট্রীয় চিন্তা বা চেষ্টা, ইহার সার্থকতা কোথায়? এক

কথায় বলিতে গেলে বলিতে হইয়া থাকিলেই বাঙালীকে মানুষ করিয়া তোলা। সেইজন্য আমাদের এখন ঠিক কি অবস্থা তাহা বিচার করিতে হইবে। সেই বিচার করিতে হইলে আমাদের আর্থিক অবস্থা কিরূপ, তাহা বিচার করিতে হইবে। সেই বিচার করিতে হইলে আমাদের চাষাদের চাষের সন্ধান লইতে হইবে। আমাদের চাষের সন্ধান ভাল করিয়া লইতে হইলে আমাদের চাষ বাড়িতেছে কি কমিতেছে, তাহার খোঁজ রাখিতে হইবে। সেই কারণ অনুসন্ধান করিতে করিতে দেখিতে হইবে কেন পল্লীগ্রাম ছাড়িয়া অনেক লোক সহরে আসিয়া বাস করে? সেই কারণ অনুসন্ধান করিতে হইলে বিচার করিতে হইবে যে, সে কি পল্লীগ্রামের অস্বাস্থ্যের জন্য কি অন্য কারণে? ইহাও বিচার করিতে হইবে যে, আমাদের দেশে চাষযোগ্য হত জমী আছে সব ভাল করিয়া চাষ করিলেও আমাদের অবস্থা স্বচ্ছল হয় কি না। যদি না হয়, তবে ব্যবসা বাণিজ্যের কথা আলোচনা ও বিচার করিতে হইবে।”

[ ৩১ ]

“আমাদের গ্রাম হইতে গ্রামান্তরে স্বাধীনতার ভাব ফুটাইয়া তুলিতে হইবে, তবেই স্বাধীনতা আসিবে।.....আমরা এখন হইতে গ্রামে গ্রামে নগরে নগরে, ভারতবর্ষের প্রতি পল্লীতে এই কথা প্রচার করিতে থাকি যে, যতক্ষণ জনসাধারণের হস্তে দেশের শাসনভার সমর্পিত না হইতেছে, ততক্ষণ আমরা কোন মতেই নিরস্ত হইব না, সন্তুষ্ট হইব না।”

[ ৩২ ]

“আমার বিবেচনায় কাউন্সিলে যাওয়া অবশ্যক, সেই স্বকম চরকা কাটাও যে শুধু আবশ্যক তাহা নয়। চরকা না কাটিলে কাউন্সিল গমনের দ্বারাও সাফল্য লাভ সম্ভব নহে।”

[ ৩৩ ]

“মোট। কাপড় যদি আমাদের কটিতে ব্যথা দেয়, সেই বেদনা আমাদের অকাতরে আপনার ও দেশের কল্যাণের জন্ত সহ্য করিতে হইবে। এই বিলাস-বর্জনে যে সংযম আবশ্যক, সেই সংযমের সাধন করিতে হইবে। এবং আমাদের মনে রাখিতে হইবে যে, ভদ্রলোকদের ঘরে যাহা আরম্ভ হইবে, চাষীর ঘরে তাহা অল্পদিনের মধ্যেই প্রচার হইয়া পড়িবে।”

[ ৩৪ ]

“আমাদের প্রথম ও প্রধান কর্তব্য গ্রামের ও দেশের স্বাস্থ্যের পুনঃ প্রতিষ্ঠা করা। কারণ অস্বাস্থ্যের সঙ্গে আমাদের দারিদ্র্যের যোগ আছে। আমাদের একহাতে দেশের স্বাস্থ্যকে রক্ষা করিতে হইবে, আর একহাতে তাহারই সঙ্গে আমাদের যে দারিদ্র্য তাহাও ঘুচাইতে হইবে।”

[ ৩৫ ]

“(গ্রামে গ্রামে পল্লীসমাজ গড়িতে হইবে।) এই পল্লী-সমাজ প্রতি গ্রামে একটি সাধারণ ধানাগার স্থাপন করিবেন। প্রত্যেক গৃহস্থ চাষা মাত্রেই এই ধানাগারে তাহাদের ক্ষেতের ফসল হইতে কিছু কিছু করিয়া ধান্য দিবে। পল্লীসমাজ সেই ধানাগার যাহাতে সুরক্ষিত থাকে তাহার ব্যবস্থা করিবেন। যখন অজন্মা, ছুর্ভিক্ষ বা বীজধানের অভাব হইবে, তখন পল্লীসমাজ চাষাদের প্রয়োজন মত হিসাব করিয়া ধান দিবেন। পরে আবার ফসল হইলে তাহারা সেই পরিমাণ ধান্য ধানাগারে পূরণ করিয়া দিবে।.....অর্থের সুবিধার জন্ত একটি ব্যাঙ্ক প্রতিষ্ঠা করিতে হইবে।.....চাষারা মহাজনদের নিকট হইতে দান না লইয়া যাহাতে খুব কম স্বে টাকা ধার পায় তাহার ব্যবস্থা

করিতে হইবে। এই ব্যাক্ষ যাহাতে জেলার সকলের সমবেত চেষ্টা দ্বারা চালিত হইতে পারে, তাহার ব্যবস্থা করিতে হইবে।..... যদি সমস্ত গ্রামগুলিতে গ্রাম্য সমিতি স্থাপন করিয়া স্কুল, চতুষ্পাঠী, মোক্তাব, নৈশবিদ্যালয়, সালিশী, পঞ্চায়েৎ প্রতিষ্ঠা করতঃ সেই সেই গ্রামের চাষ-আবাদ, শিক্ষা, স্বাস্থ্য, রাস্তা-ঘাট ও পানীয় জলের ব্যবস্থা, বিবাদ, বিসম্বাদ, দলাদলি মিটাইয়া দেওয়া, উৎপন্ন শস্ত রক্ষা ও উপযুক্ত মূল্যে বিক্রয়ের সুবন্দোবস্ত, প্রতিগৃহে তুলার গাছ, চরকায় সূতাকাটা ও তাঁতে কাপড় তৈয়ারী করিয়া দিবার ব্যবস্থা করিয়া দিয়া, উচ্চ নীচের ব্যবধান ভুলিয়া গিয়া, হিন্দু-মুসলমান পরস্পরে ভাতৃত্বের দৃঢ় সূত্রে আবদ্ধ হইয়া গ্রামগুলিকে স্বাবলম্বী করিয়া তুলিতে পারে, তবে সমস্ত স্বাবলম্বী গ্রামগুলির সমবায়ে একটি বিরাট স্বাবলম্বী দেশ তৈয়ারী হইয়া অতি সহজে এই পরাধীনতার শৃঙ্খল মুক্ত হইতে পারিবে, তাহাতে সন্দেহ নাই।”

## ৫। জাতীয় শিক্ষা ও সভ্যতা—

[ ১ ]

“মাহুষের যে অন্তর্নিহিত শক্তি, তাহার যে আত্মসম্মিৎ, তাহার ঘুম ভাঙ্গাইয়া দেওয়া, সিংহকে জাগাইয়া দেওয়া, প্রাণে প্রাণে অনুভব করিবার ধর্মকে ফুটাইয়া তোলাই শিক্ষাদীক্ষার কার্য।”

[ ২ ]

“তুই আর তুই যোগ করিতে পারিলেই শিক্ষাসমাপ্ত হয় না, আমাদের দেশ-জননীর সেবাই প্রকৃত শিক্ষার পরিচয়।”

[ ৩ ]

“আমাদের সবচেয়ে বেশী বিপদ যে, আমরা ক্রমশঃ শিক্ষা, দীক্ষা, আচার ব্যবহারে অনেকটা ইংরাজী ভাবাপন্ন হইয়া পড়িয়াছি।”

[ ৪ ]

“আমাদের হাবভাব, আচার ব্যবহার এত ইংরাজীনবীস হইয়াছে যে, হঠাৎ দেখিলে মনে হয়, শিক্ষিত বাঙ্গালীর সঙ্গে বাঙ্গলাদেশের কোন যোগ নাই। এই শিক্ষার ফলে আমরা বস্তুর সঙ্গে পরিচয় লাভ করিয়া তাহার প্রাণের কাছে ছুইতে পারি নাই, কেবল উপর হইতেই দেখিয়াছি, আর কতকগুলো ইংরাজী পদ মুখস্থ করিয়াছি। আমরা মাহুষ হইয়া উঠি নাই, একটু চালাক হইয়াছি মাত্র। একটু বিচার করিয়া দেখিলেই দেখা যায় যে যাহারা ইংরাজীশিক্ষা পায় নাই, যাহাদের তোমরা অশিক্ষিত বলিয়া ঘৃণা কর, তাহাদের দয়া-মায়া আছে, ধর্ম আছে, তাহারা মাহুষের ছুঃখ বোঝে, অতিথি সেবা করে, দেবতাকে ভক্তি করে। আমার মনে হয়, আমাদের এই নব জাগরিত জাতিকে প্রকৃত জ্ঞানের দিকে চালনা করিতে হইলে, আমাদের উচ্চশিক্ষা আমাদের ভাষায়ই দিতে হইবে। নিজের ভাষা শিখিতে হইলে নিজের জাতীয় জীবনের সঙ্গে সম্বন্ধ স্থাপিত করিতে হইবে, এবং আমাদের শিক্ষা দীক্ষার যে সকল সত্য বাণী, তাহারই দিকে দৃষ্টি রাখিতে হইবে।”

[ ৫ ]

“আমরা যখন আমাদের জাতীয় স্বাভাব্য লাভ করিব তখন আমরা প্রয়োজন বুঝিয়া অগ্ন্যান্ত দেশের ভাব গ্রহণ করিব, তাহার পূর্বে নহে। গৃহে না থাকিলে কেহ কি অতিথিকে অভ্যর্থনা করিতে পারে?”

[ ৬ ]

“আমাদের এই ইউনিভারসিটি ফ্যাক্টারিতে বি এ, এম্ এ, পি-এইচ-ডি, পি-আর-এস্ এইরূপ কতকগুলি জীব তৈয়ারী হয়। প্রকৃত মানুষ তৈয়ারী হয় না। এই শিক্ষা আমাদের ছাত্রদিগের আত্মসম্মিকে জনমের মত বিসর্জন করিবার পথ করিয়া দেয়। এই উচ্চ শিক্ষায় শিক্ষিত বাঙ্গালী, আত্মন্তরী, অহঙ্কারী; সে আত্ম-জ্ঞানের দিকে দৃষ্টি না রাখিয়া জ্ঞানের রাজ্যে দাসত্ব লিখিয়া দেয়। আর বিজ্ঞানের বড়াই করে।”

[ ৭ ]

“.....নিশ্চয়ই এই শিক্ষার মৰ্য্যে আমাদের দাস মনোভাব অন্তঃ-সলিলা নদীর জ্বায় বদ্ধমূল হইয়া আছে। স্বতরাং আপামর সর্ব-সাধারণের মধ্যে প্রকৃত জ্ঞান উদ্ভূত করিতে হইলে শিক্ষা পদ্ধতির পরিবর্তন আমাদের করিতেই হইবে। কিন্তু দরিদ্র পরাধীন জাতির পক্ষে শিক্ষার ব্যবস্থা সম্পূর্ণ ভাবে নিজের হাতে নেওয়া বড়ই দুষ্কর ব্যাপার; এইজন্ত ধীরে ধীরে আমাদের করিতে তাহা সম্পূর্ণ করিতে হইবে।”

[ ৮ ]

“আমরা আহারে, ব্যবহারে, আচারে, বিচারে, ভাষায়, ভাবে, ধৰ্ম্মে, কৰ্ম্মে সমস্ত জীবনক্ষেত্রে প্রতিপাদবিক্ষেপে বিলাতের অনুকরণ করিয়াছি। মন্দিরের বদলে সভা করিয়াছি, সদাশ্রমের বদলে হোটেল করিয়াছি, থিয়েটার করিয়া আনন্দের মূল্য দুর্ভিক্ষে দান করি, লটারি করিয়া অনাথ আশ্রমের চাঁদা তুলি, যত রকমের স্বাস্থ্য রক্ষা করিবার সহজ উপায় দেশে ছিল, তাহার বদলে বিলাতী খেলা আমদানী করিয়াছি, অর্থোপার্জন যে আমাদের জীবন যাপনের উপায় মাত্র, তাহা

ভুলিয়া গিয়া বিলাতী Industrialism এর নকল করিয়া অর্থ উপার্জনের জন্ত জীবন যাপন করিবার চেষ্টা করিতেছি।”

[ ৯ ]

“অবশ্য ইউরোপীয় সভ্যতাকে আমি শ্রদ্ধার চক্ষে দেখিয়া থাকি, আমার শিক্ষা দীক্ষার জন্ত আমি ইউরোপের কাছে কৃতজ্ঞ ; কিন্তু তাহা হইলেও আমি ভুলিতে পারি না যে ইউরোপীয় রাজনীতির ধার করা জিনিস লইয়া আমাদের জাতীয়তা সঙ্কট থাকিতে পারে না।”

[ ১০ ]

“ভারতবাসী ইংরাজ বলিয়াই ইংরাজের সহিত অসহযোগে প্রবৃত্ত হইবে না ; কিন্তু যে কোন জাতি বা প্রতিষ্ঠান তাহার জাতীয় বৈশিষ্ট্য বিকাশের বিরোধী হইবে, সে তাহারই সহিত অসহযোগ করিবে। জাতীয় শিক্ষা বিদেশী শিক্ষার সহিত বিদ্রোহ নহে। তাহার উদ্দেশ্য অতীতের সহিত সংযোগ সংরক্ষণ ও আমাদের জ্ঞানকে মনোরাজ্যে প্রতিষ্ঠিত করা।”

[ ১১ ]

“আমরা আমাদের পূর্বপুরুষদের নিকট হইতে অবদান স্বরূপ একটি মহতী সভ্যতা প্রাপ্ত হইয়াছি। আমরা এক আধ্যাত্মিকতার রক্ষক হইয়া আছি। তাই আধ্যাত্মিকতা জগৎকে দান করিতে হইবে। আমরা সেই অগ্নি পুনরায় উদ্দীপ্ত করিব। যাহা স্থপ্ত অবস্থায় আছে, তাহাকে জীবন্ত এবং উজ্জ্বল করিতে হইবে।”

[ ১২ ]

“ইতিহাসের পথ গতি মুক্তির পথ। ভারতবর্ষের যে ইতিহাস তাহাও এক প্রচণ্ড গতিপথে যুগে যুগে মুক্তি পাওয়ার ইতিহাস—অথবা এক বিস্তর মুক্তিপথে পুনঃ পুনঃ দুর্দম গতিবেগের ইতিহাস। ভারত-

বর্ষের ইতিহাস কেবল ধর্মের ইতিহাস নহে, শুধু দাসত্বের ইতিহাসও নহে।.....ভারতবর্ষ প্রাগৈতিহাসিক যুগ হইতেই এই জড়-জগতের পরিবর্তনশীল মায়া-প্রপঞ্চ প্রভৃতির দাসত্ব হইতে জীবের বা জীবাশ্মের মুক্তি খুঁজিয়া আসিয়াছে।.....ইতিহাস কি ভগবানের লীলার বাহিরে? যারা তাহা মনে করে, তারা ইতিহাস জানে না, ভগবানের লীলা বুঝে নাই। প্রত্যেক জাতি ভগবানের লীলার বৈচিত্র্য রক্ষা করিতেছে। প্রত্যেক ব্যক্তিই ভগবানের লীলার সহচর।”

[ ১৩ ]

“দেশবাসীকে বলি—প্রথমে তোমার গৃহে অঘটে উপেক্ষিত দীপ প্রজ্জলিত কর—অতীতের দিকে দৃষ্টিপাত কর এবং অতীতের আলোকে তোমার বর্তমান অবস্থা উপলব্ধি কর। তাহার পর নির্ভীকভাবে জগতের সম্মুখীন হও এবং বাহির হইতে যে আলোক পাইতে পার তাহা গ্রহণ কর।”

[ ১৪ ]

“পাশ্চাত্য অহুসরণে আমাদের দেশে যে রাজনৈতিক আন্দোলন চলছে, তাতে আমার কোনও আস্থা নাই। যার যেটা নিজস্ব ভাব—সে সেইটে দেশের জনসাধারণের নামে চালাচ্ছে। জনসাধারণের ভাব, আকাজ্ফা, বা অভাব বুঝতে দেশের কোন নেতাই চেষ্টা করেন না। শুধু দেশের নামে লম্বা লম্বা বক্তৃতা করছেন। এইসব Shame agitation এর আমি বিরোধী। দেশের জনসাধারণ যাতে সজ্জবদ্ধ হয়, এবং সমস্ত বিষয় জানতে ও বুঝতে পারে সে রূপ—Organisation করা দরকার। তাছাড়া আমি বিশ্বাস করি, জগতের যে কোনও দেশের চেয়ে আমাদের দেশের লোক অনেকগুণে বুদ্ধিমান ও শিক্ষিত। তারা দেশের কোন কাজটা ভাল, কোন কাজটা মন্দ, অনায়াসেই



বুঝতে পারে। বাংলার প্রতি পল্লীতে পল্লীতে জনসাধারণকে দলবদ্ধ করে কাজ করলে তার শক্তি কেউ রোধ করতে পারবে না। প্রাচীন ভাবে ভিত্তি করে নতুন গড়ে তুলে হবে।”

[ ১৫ ]

“Industrialism বাংলা দেশে চালাইতে আরম্ভ করিলেই আবার নতুন করিয়া আমাদের বিনাশের পথ প্রস্তুত হইবে। বিলাতী ক্যাক্টরী রাক্ষস তাহার রাক্ষসী মায়ায় আমাদিগকে একেবারে শেষ করিয়া ফেলিবে।”

[ ১৬ ]

“কল কারখানার বুদ্ধির সঙ্গে সঙ্গে আমাদের দেশের গরীবেরা ইউরোপের গরীবদের মত নৈতিক-চরিত্র-হীন হয়ে নিষ্পিষ্ট হবে— তাথেকে দেশকে রক্ষা করতে হবে। Cottage industry যাতে revived হয় তার বিশেষ চেষ্টা করা উচিত। মূলকথা দেশাত্মবোধ জাগিয়ে আত্মশক্তির উপর জাতকে প্রতিষ্ঠিত করতে হবে।”

[ ১৭ ]

“ভারতবর্ষ তাহার আদর্শ-শিক্ষা ও সভ্যতা সমগ্র বিশ্বকে বিলাইয়া দিবে। আজ সে কার্য আরম্ভ হইয়াছে। এমন একদিন আসিবে যখন ভারতবর্ষের কথা বিশ্ববাসীকে কান পাতিয়া শুনিতে হইবে।”

[ ১৮ ]

“প্রত্যেক জাতিরই তাহার জন্মগত স্বভাব অধিকার অনুসারে বাঁচিতে হইবে, বড় হইতে হইবে, উন্নত হইতে হইবে—আমরা সেই অধিকারের দাবী করিতেছি। (ঘুমের ঘোরে) যে অধিকার হইতে এককাল বঞ্চিত ছিলাম……এখন ভগবানের আশীর্বাদে আমাদের সে ঘুম ভাঙিয়াছে।”

[ ১৯ ]

“ইউরোপ হইতে একটা বিপরীত সভ্যতা আসিয়া আমাদের জীবনে আঘাত করিল, সেই আঘাতে আমাদের চৈতন্য হইল, সেইমুহূর্ত্তেই আমাদের জাতির যে জাতিত্ব তাহার সাক্ষাৎ পাইলাম। এমন করিয়াই মনুষ্যজীবনে আত্মজ্ঞানের প্রতিষ্ঠা হয়। বাহিরের রূপ, ইন্দ্রিয়ের ভিতর দিয়া আত্মাকে আঘাত করে, সেই আঘাতেরই ফলে আমরা আপনাকে দেখিতে পাই, কিন্তু যাহা দেখি তাহা ত বাহিরের নয়, তাহা আমাদের প্রাণের বস্তু।”

[ ২০ ]

“জীবন গড়িবার সময় ত্যাগের সময়—ভোগের নয়। আমাদের এখন বিলাতী-আদর্শ-জনিত যে বিলাসের ভোগ তাহাকে সবলে দুই হাতে ছিঁড়িয়া ফেলিতে হইবে।”

[ ২১ ]

“তামাক ছাড়তে আমার যা কষ্ট হয়েছিল, এতকষ্ট বোধ হয় আর কোন জিনিষ ছাড়তে হয়নি। আমি দেশের লোককে বিলাসের সমস্ত উপাদান ছাড়তে বলছি, আর আমি নিজে তামাক খাব।”

[ ২২ ]

† “কোন জাতির সংস্কার অগ্রজাতির আদর্শে সম্ভব হয় না। আমাদের যে সব সংস্কারের আবশ্যক, তাহা আমাদের স্বভাব ধর্মের মধ্যে যে সব শক্তি নিহিত আছে তাহার বলেই হইবে।”

৬। সমাজ সংস্কার—

[ ১ ]

“নমঃশূদ্রদের ধোপা নাপিত নাই, ধরামীর ঘর ছেয়ে দেয় না,

অথচ এরাই মুসলমান, খৃষ্টান হয়ে গেলে আবার উচ্চবর্ণ হিন্দুদের ধোপা নাপিতরাই এসে এদের কাষ করে। অর্থাৎ হিন্দুরাই প্রকারান্তরে বলছে হিন্দুর চেয়ে মুসলমান খৃষ্টানই বড়। এরকম সেন্সলেস সমাজ মরবে না ত মরবে কে?”

[ ২ ]

“আপনারা আমায় politics থেকে রেহাই দিন আমি কোন গায়ে কুটীর বেঁধে সামাজিক অত্যাচার সব দূর করার কাজে আত্মনিয়োগ করি।.....এজীবনে যদিও না পারি, আমি পরজন্মে অস্পৃশ্য হইয়া আসিব, আবার তাহাদের মধ্যে কাজ করিব।”

[ ৩ ]

“সমাজটা বাস্তবিকই এমন মরা মরেছে যে ইহার একটুও সাড়া পাওয়া যায় না। কত স্নেহলতা অত্যাচারের মুখে আত্মবলিদান করিল, তবু বেটা-বেচাওয়ালাদের চৈতন্য হইল না। তবুও মেয়ের বাপরা সর্বস্বান্ত হয়ে কত্যা পার করিতে পারিলেই বাঁচেন।”

[ ৪ ]

“সমাজে বিধবাদের জোর করিয়া ব্রহ্মচর্যেরগণ্ডিতে রাখা আমার অসহ্য মনে হয়। জোর করিয়া বিধবাকে বিবাহ দেওয়া যেমন অশ্রাব্য, জোর করিয়া তাহাদের বিবাহ না দেওয়াও তেমনই অশ্রাব্য।”

[ ৫ ]

“তোমরা মনে মুখে এক নও। যা ভাব তা করিতে ভয় পাও। যদি বুঝে থাক, বাল্যবিবাহ দোষের হাজার পীড়াপীড়িতেও তা দিতে পারিবে না। ভাল বর সকল সময়েই পাওয়া যায়। যদি বামুনের মধ্যে না পাও অস্ত্র জাতের মধ্যে পাবে। অসবর্ণ বিবাহে দোষ কি?”

আমি যদি তিনশ' Sincere বাঙ্গালী ছেলে পাই তবে দেশ উদ্ধার, সমাজ সংস্কার,—সব কিছুই করিতে পারি। তোমরা কাজ করবার আগে ভাব, কাজের ফলাফল বিবেচনা কর; কিন্তু আমি তা কখনো করি না। ফলাফল না ভেবে কাজে বাঁপিয়ে পড়েছি। আমি কখনো আগুপিছু ভেবে কাজ করিনে।”

## ৭। সাহিত্য সমালোচনা—

[ ১ ]

“বর্তমান সাহিত্যেও সৌন্দর্য ও কলাকুশলতা আছে। তবে দেশী আর বিলাতী ফুলে যা প্রভেদ। যেদিন থেকে পাশ্চাত্য ভাবের আমদানী হ'য়ে তাহা আমাদের ভাষায় মিশে যেতে লাগলো—অশিক্ষিত জন সাধারণের পক্ষে তা তত দুর্বোধ হ'তে লাগলো। এখনকার সভ্যতার প্রধান অঙ্গ হচ্ছে যে আমরা শিক্ষিত সমাজ সব বিষয়ে দেশের জনসাধারণকে পেছনে ফেলে দিয়ে নিজেদের একটি গণ্ডী তৈয়ার করছি,—ধর্ম, সমাজ, রাজনীতি বা সাহিত্য-সব বিষয়ে। তাই কোনটাতে প্রাণের সাড়া নাই।”

[ ২ ]

“ভাষা কঠিন বা কোমল বলে কোনও কথা নাই। আগেকার ভাষার শব্দ বিভ্রাস দেখতে গেলে এখনকার অনেক শিক্ষিতের পক্ষেও তাহা দুর্বোধ্য। দেশের অশিক্ষিত সম্প্রদায় যে কোন কবিতার শব্দের অর্থ করিতে পারিত বা বুঝিতে পারিত—এটা আদৌ আমার বিশ্বাস হয় না। কিন্তু প্রাচীন কবিরা এমন একটা সুরের সৃষ্টি করে রসের সঞ্চার করতেন—যে জনসাধারণে তা বুঝতে পারতো—সে রসের

আস্বাদ কর্তো—তার প্রাণে সারা পড়্তো। কথকতা, যাত্রা, পাঁচালী, কবির গান সেভাবে অশিক্ষিত সমাজকে শিক্ষিত কর্তো—যদিও এখনকার মত স্কুলের শিক্ষা ছিল না।”

[ ৩ ]

“ইউরোপায় সাহিত্য ও দর্শনের কথা মুখস্থ করিয়া সেই কথা গুলিই রসনা দিয়া, বাঙ্গালায় বলিলেই বাঙ্গালীর জীবন হঠাৎ বিচিত্র হইয়া উঠে না এই মিথ্যা বৈচিত্র পাশ্চাত্য সভ্যতা সংঘাত জনিত শতখণ্ডের বিচ্ছিন্নতা ও বিভিন্নতা মাত্র। আমি যে প্রাণ ও সাধনার দিকে ফিরিতে বলিতেছি, আমি যে বৈচিত্রের মধ্যে আমাদের সাহিত্যকে গড়িয়া তুলিতে বলিতেছি, বাঙ্গলা তাহার নিজের মাধুরী আস্বাদন করিয়া, নিজে যে বিচিত্ররূপে জগতের কাছে নিজেকে ধরিয়াছিল ও আপনি যে শতশত অপূর্ণভাবে বিচিত্র হইয়া বিকসিত হইয়া উঠিয়াছিল, তাহা সেই বিচিত্র প্রাণ ধারারই কথা। পাশ্চাত্যের এই ভাবমোহ, এই ‘বিশ্বমোহ’ যাহা আমাদের সমস্ত স্নায়ুকে নাড়ীচক্রকে ব্যাধি পীড়িত, মুচ্ছারোগগ্রস্ত করিয়াছে, তাহা হইতে আমাদের উদ্ধার হইতে হইবে।”

[ ৪ ]

“বাঙ্গলা ইউরোপ নহে। বাঙ্গালীর সাহিত্য কেবল ইউরোপের সাহিত্যের প্রতিধ্বনি হইতে পারে না। বাঙ্গালার সাহিত্যের এরকম দুর্ভাগ্য আমি কল্পনা ও করিতে পারি না। বাঙ্গলা তাহার স্বরেও রূপে ফুটিয়া উঠিবে। সেই প্রস্ফুটিত, পূর্ণ বিকসিত বাঙ্গলা সাহিত্যের গন্ধে বাঙ্গলা ও জগৎ ভরপুর হইবে। যদি তাহা না হয়,—যদি বাঙ্গালার নিজস্ব বলিয়া কিছু না থাকে, তবে বাঙ্গলা সাহিত্য লুপ্ত হইলেই বা ক্ষতি কি ?”

[ ৫ ]

“বঙ্কিম ও গিরীশ সাহিত্য পাশ্চাত্য সাহিত্য দ্বারা প্রভাবান্বিত হইলেও বাঙ্গালীর সাহিত্য হইয়াছে। এই দুই মহাকবির সৃষ্ট বাঙ্গালীর সাহিত্যের মধ্যে একটা মৌলিক ও যৌগিক সম্পর্ক আছে।”

[ ৬ ]

“বাঙ্গালার আধুনিক উগ্ৰতাস সমুদ্র যদি কেহ মন্বন করিতে চান, তবে দেখিবেন রিরংসার বিষে, এবং তাহাও আমি বলি ফেরজ রিরংসা,—বাঙ্গলার তরুণ তরুণী আকর্ষণ নিমজ্জমান। এত যে বিষ, তাহা যদি সমাজে ও সাহিত্যে সত্য হয়, তবে আমি নিঃসঙ্কোচে বলিতেছি—‘লাখে না মিলিল এক’—একটাও নীলকণ্ঠ আমি বাঙ্গালায় পাইলাম না, এই আমার আক্ষেপ!”

[ ৭ ]

“এই মিথ্যাময় ফেরজ সাহিত্য হইতে বাঙ্গলার জীবনকে মুক্ত করিতে হইবে, আজ তাহারই বার্তা আমি বহন করিয়া আনিয়াছি। আমি প্রাণে প্রাণে যে অল্পভূতি দ্বারা—সাধনের দ্বারা জীবনের সেরূপের যে পরিচয় পাইয়াছি, আমি বাঙ্গালী, বাঙ্গালাকে তাহা শুনাইবার জন্য আমি সমস্ত প্রাণ মন দিয়া প্রস্তুত হইয়াছি। আজ এই তমসচ্ছন্ন পুঞ্জীভূত অন্ধকারের তামসিকতার দিনে সকল রাগ ধ্বংস বিবর্জিত হইয়া আমাদের জীবনের ধারাকে বাঁচাইতে হইবে।—হে বাঙ্গালী, বাঙ্গালার সেই প্রাণের গানের সন্ধান কর—সেই সাধনের পথে—সেই অল্পপম কাব্যসৃষ্টির পথে নিজের ও দেশের গতিকে লইয়া যাও। নিজের জীবনে ও কর্মে মিলাও, তোমার নিজের পরিচয় পাইবে, দেশেরও পরিচয় পাইবে।”

## বজ্রবাণী

### ৮। আধ্যাত্মিকতা—

[ ১ ]

“এবার বুঝিয়াছি—কাজের ইচ্ছনে প্রাণের আগুন জ্বালাইতে হইবে। ভাবের ধোঁয়া নহে—ভাবের বহি জ্বালাইতে হইবে, তাহা উপায় কেবল কর্ম। দেখুন সাহিত্যে, কাব্যে, দর্শনে এমন দি দানে ও ধর্মাচরণে পর্য্যন্ত স্বস্তি পাইতাম না। মনে হইত ফাঁকা সব ফাঁকা। ও সব মিথ্যা। এবার মনে হইতেছে যেন মূর্ পাইলাম। কাজ চাই, কাজ চাই! স্বামিজীর কথা আপনাদের ম পড়িতেছে না—

‘বহুরূপে সম্মুখে তোমার

ছাড়ি কোথা খুঁজিছ দৈব ?’

[ ২ ]

“এবার কথা দিয়ে, মন্ত্র দিয়ে, নারায়ণের পূজা করিয়া মিথ্যাচা করিব না। এবার নারায়ণকে প্রত্যক্ষ করিয়াছি—আমাদের দেশে এই অগণ্য নির্ধাত্তিত, অবমানিত, নিরম, দাসত্ব-নিগড়বদ্ধ, দেশ বাসীই আমার সাক্ষাৎ নারায়ণ। এই জাগ্রত নারায়ণের পূ করিব ইহাই আমার কাজ এবং নারায়ণ পূজা। .....ওই যে শিক্ষি অশিক্ষিত, ব্যবসায়ী অব্যবসায়ী, জীপুরুষ, বালক-যুব-বৃদ্ধ, ব্রাহ চণ্ডাল সবাইকে ডাক! ডাক! যাহার যাহা আছে লইয়া আইস আপনার ভার লাঘব কর, ঢাল, ঢাল, এই জীবন যজ্ঞে। নারায়িনি জীবের অরণ্য [এবং যিনি নিজেই নরনারায়ণ তাঁহাকে প্রণা করি।”

[ ৩ ]

“কেহ কেহ বলেন যে আমরা ধর্ম নিয়ে আছি—রাজনীতি

সঙ্গে আমাদের কোন সংশয় নাই—আবার কেহ কেহ বলেন—  
আমরা সমাজ সংস্কারের পক্ষপাতী ধর্ম ও রাজনীতি বুঝি না।  
বাস্তবিক আমি এঁদের কথার ভাব বুঝি না। জীবনটাকে যে টুকরো  
টুকরো করে রাজনীতি, ধর্মনীতি, সমাজনীতি, প্রভৃতি ভাগ করা  
হয়, তা আমাদের দেশীয় ভাব নহে—ওটা একেবারে পাশ্চাত্য ভাব।  
সব নিয়েই আমাদের জীবন।”

[ ৪ ]

“শীঘ্রই পৃথিবীতে এমন দিন আসিবে, যখন রাজনীতি বলিয়া পৃথক  
কোন জিনিষ থাকিবে না। রাজনীতি, ধর্মনীতি, সমাজনীতি, সকল  
নীতিই এক হইয়া যাইবে।”

[ ৫ ]

“দেশের কাজ আমার ধর্মের অঙ্গ, উহা আমার জীবনের আদর্শ।  
আমার দেশের কল্লনায় আমি ভগবানের মূর্তির বিকাশ দেখিতে পাই।”

[ ৬ ]

“অপরের দুঃখ জালা হবে মিটাইতে,  
হাসি আবরণ টানি দুঃখ ভুলে যাও,  
জীবনের সরবস্ব অশ্রু মুছাইতে  
বাসনার স্তর ভাজি বিশ্বে ঢেলে দাও।  
হায় হায় জনমিয়া যদি না ফুটালে  
একটি কুসুমকলি নয়ন কিরণে  
একটি জীবন ব্যথা যদি না জুড়ালে  
বুক ভরা প্রেম ঢেলে, বিফল জীবনে।  
আপনা রাখিলে ব্যর্থ জীবন-সাধনা  
জনম বিশ্বের তরে পরার্থে কামনা।”



[ ৭ ]

“নাথনার পথে সাধক বিশ্বের দর্পণে নিজের ছায়া যখন দেখে,  
তখন তাহার সত্যরূপ প্রকটিত হয়।”

[ ৮ ]

“সকল সৌন্দর্যের মধ্যে বিশ্বের আত্মা জাগ্রত, মুখরিত, বিকসিত  
সৌন্দর্যলীলায় লীলায়িত। এ কেহ বুঝে না, যে রসিক হইয়াছে যে  
ঘরে চুকিয়াছে সেই সে জানে ঘরের কথা।”

[ ৯ ]

“আমাদের সকল কর্মের তুমিই কর্তা, সকল ধর্মের তুমিই ধাতা,  
সকল বিধির তুমিই বিধাতা। অনন্ত তোমার লীলা—হে অনন্তরূপী  
নারায়ণ! তুমি এক, তুমিই দুই, এই দুই মিলিয়াই তুমি এক। ইহাই  
বিশ্বের নিগূঢ় রহস্য।”

[ ১০ ]

“ঈশ্বর ঈশ্বর বলি অবোধ কন্দন,  
প্রচণ্ড ঝটিকা বহি গগন ভরিয়া  
আমাদের স্বথ শাস্তি ল’তেছে হরিয়া,  
বাড়াইয়া আমাদের বিজন বেদন।”

[ ১১ ]

“তুমি উচ্চ হতে উচ্চ, ধার্মিক প্রবর!  
তুচ্ছ করি অতি তুচ্ছ আমাদের প্রাণ  
ওগো কোন্ শূন্য হ’তে আনিয়া ঈশ্বর  
জীবনে তাহারি কর আরতির গান?  
জাতার কন্দন শুনি চেয়োনা ফিরিয়া,  
ধরণীর দুঃখ দৈন্ত আছে যাহা থাক;

উর্ধ্বমুখে পূজা কর দেবতা গড়িয়া,  
প্রাণপুষ্প অযতনে শুকাইয়া যাক ।”

[ ১২ ]

“ওহে সাধু ! আমি জানি অন্তর তোমার  
ক্ষুধিত তৃষিত সদা যশ লালসায় ;  
ধরণীর করতালি উৎসাহ অপার  
গুঞ্জে অবগে কত মধুগের প্রায় ।  
এস এস কাছে লয়ে মানবের প্রাণ  
কাজকি এ মিথ্যা ভরা দেবতার ভাণ ।”

[ ১৩ ]

“অসার সকল জ্ঞান ? ওহে ব্রহ্মজ্ঞানী !  
তবে তুমি কার কর এত অহঙ্কার ?  
আপনারি উচ্চারিত মেঘমল্ল বাণী  
আপনার মনে আনে মোহ অন্ধকার ।  
ক্ষুদ্র তুমি, ক্ষীণ প্রাণে কেমনে ধরিবে  
অসীম অনন্ত শক্তি মহাদেবতার ;  
এ শূন্য বিশ্বের বক্ষে কাহারে বরিবে ?  
বুঝাবহ আপনার পুষ্প অর্ঘ্যভার ।”

[ ১৪ ]

“জীবন এক অখণ্ড সত্য । ব্যাট্টি ও সমাট্টি তাহার এক স্বাভাবিক  
জীবন্ত প্রকাশ, জীবনকে খণ্ড করিয়া দেখাই মন্ত ভুল । পঞ্চপ্রদীপ  
সাজাইয়া আরতি করিয়া পাঁচটি আলো-কে এক করিয়া দেবতার কাছে  
তুলিয়া ধরাই অখণ্ড জীবনের পরিচয় । সন্ন্যস্ত জীবনকে সেই দীপের  
অনুমুখী করাই শ্রেষ্ঠ সত্য ।”

[ ১৫ ]

“নিখিলের প্রাণ তুমি, তুমি হে আমার  
দিবসের দিনমণি, নিশার আধার ;  
জাগরণে কণ্ঠ-ভূমি  
শয়নের স্বপ্ন তুমি  
ওগো সর্বপ্রাণময় ! তুমি যে আমার !”

[ ১৬ ]

“নহ মিথ্যা সত্য তুমি ! সত্য রূপাধার !  
সত্যই সেদিন আমি নয়নে হেরেছি,—  
সত্যই পরাণ ভরে পরাণে তুলেছি !  
অখণ্ড হৃদয় তব মধুর গভীর,  
রূপ রস গন্ধভরা আত্মার মন্দির !”

[ ১৭ ]

“কতজন্ম পরে তাই হেরিছ আবার,  
এমন মধুর ক’রে  
এমন পরাণ ভ’রে !  
কোন দিন হেরি নাই  
কোন দিন পাই নাই  
তুমি যে মধুর মধু মাধুরী আমার !”

[ ১৮ ]

“হে আমার, হে আমার চির মৰ্ম্মময় !  
আজ পাইয়াছি তব সত্য পরিচয় ।

আছিলে গোপনে মোর মন অন্তঃপুরে  
আমারি বাসনা আমারি পঙ্কর জুড়ে !  
যেমনি বাজাহু বাঁশি, সলাজ চরণে—  
বাহিরিলে—দাঁড়াইলে—অপূর্ব ধরণে ;  
চরণে প্রস্ফুট পুষ্প মস্তকে গগন !  
আমি অন্ধ দেখেছিহু স্বর্গের স্বপন !”

[ ১৯ ]

“সকল ঐশ্বর্যে আমি সাজায়েছি ডালি,  
পরিপূর্ণ প্রাণ মোর করিয়াছি খালি  
আরো যে চাহিছ তুমি ! কি দিবগো আনি,  
চাও যদি লয়ে যাও শূণ্য প্রাণ খানি ।  
তবে কি মিটিবে আশ, চাহিবে না আর ?  
ওরে রে পাগল, ওরে পাগল আমার !”

[ ২০ ]

“যেখানেই থাক নাথ ! আছ তুমি আছ তুমি  
সকল পরাণ মোর তোমার চরণ ভূমি  
ভাবনা ছাড়িহু তবে ; এই দাঁড়াইহু আমি !—  
যে পথে লইতে চাও লয়ে যাও অন্তর্ধামী !”

[ ২১ ]

“সেই যে শিরে মোহন চূড়া,  
সেইত হাতে মোহন বাঁশী,  
সেই মুরতি হেরবো বলে  
পরাণ বড় অভিলাষী ;

বাঁকা হয়ে দাঁড়াও হে  
আলো করি কুঞ্জ দুয়ার ।  
এস আমার পরশ মাদিক,  
বেদ বেদান্তে কাষ কি আর ॥”

[ ২২ ]

“সব কৰ্ম শেষে আজ মন এক তাবা  
বাজিতেছে সেই স্বরে অন্ধ দিশে হারা !  
সেই পথ লাগি আজ মন পথ-বাসী  
সেই পথ খানি মোর গয়াগঙ্গা কাশী !”

[ ২৩ ]

“হে মোর আজন্ম-সখা ! কাণ্ডারী আমার !  
আজ মোরে লয়ে যাও অপারে তোমার ॥”





অতিশয়


দেশবন্ধু

৫৬ পৃঃ



## জীবন-সার

দেশবন্ধুর উর্জতন ৫ম পুরুষ হইতে অধস্তন ৩য় পুরুষের নাম নির্ঘণ্ট।



আবির্ভাব ১৮৭০ খৃঃ ৫ই নভেম্বর শনিবার।

তিরোভাব ১৯২৫ খৃঃ ১৬ই জুন মঙ্গলবার।

ঢাকা জেলার বিক্রমপুর পরগণা চির প্রসিদ্ধ। বিক্রমপুর 'আড়িয়াল বিলের' পার্শ্বস্থিত ক্ষুদ্র তেলিরবাগ গ্রামই দেশবন্ধুর পিতৃপিতামহ প্রসিদ্ধ বৈদ্য-বংশীয়দের বাসস্থান। বিক্রমপুরের গৌরবের দিনে এই বৈদ্য-বংশের রতনকৃষ্ণ দাশ স্বনামখ্যাত ছিলেন। তাঁহার জ্যেষ্ঠ পুত্র জগবন্ধু নিরপত্যতা হেতু পিতৃব্য পৌত্রদের ভিতর সর্ব-কনিষ্ঠ ভুবনমোহনকে দত্তক গ্রহণ করিয়াছিলেন। ভুবনমোহনের জনক কাশীশ্বর অতীব দানশীল, বিদ্যাছরাগী ও ধার্মিক ছিলেন। তাঁহার রচিত সরল ও



শ্রুতিমধুর 'নারায়ণ সেবা' ও 'হরিলুঠের পুঁথি' এখনও বিক্রমপুর অঞ্চলে সাধারণের আদরের জিনিষ। ভুবনমোহন নিজে কলিকাতা হাইকোর্টের এটর্নি ছিলেন এবং অগ্রজদ্বয় হাইকোর্টের উকীল ছিলেন। খুলনা জেলার মূলঘর গ্রামনিবাসী পূর্ণচন্দ্র সেন মহাশয়ের কন্যা ভাগ্যবতী নিস্তারিনী দেবীর সহিত যথাসময়ে ভুবনমোহনের বিবাহ হয়। বিবাহের পর সপরিবারে পটলডাঙ্গাষ্ট্রীটের বাসাবাড়ীতে বাস করিতে থাকেন। তিনি নির্ভীক, তেজস্বী, স্বদেশ প্রেমিক ও স্বাধীনতা-প্রিয় ছিলেন। ঘোবনেই অগ্রজদ্বয় সহ ব্রাহ্ম সমাজের অন্তর্ভুক্ত হন। কিন্তু সর্বজ্যোষ্ঠ কালীমোহন দাশপরে প্রায়শ্চিত্ত করিয়া পুনরায় হিন্দু হয়েছিলেন। 'ব্রাহ্ম পাব্লিক অপিনিয়ান্' এবং 'বেঙ্গল পাব্লিক অপিনিয়ান্' নামে দুইখানি সংবাদপত্র সম্পাদনে ভুবনমোহনের বিদ্যাবত্তার যথেষ্ট পরিচয় পাওয়া যায়, এ ছাড়া তাঁহার বহু রচনায় স্বদেশ ও স্বজাতি-প্রীতি স্পষ্টতম ভাবে প্রস্ফুটিত। পত্নী নিস্তারিনী দেবী সুশিক্ষিতা এবং পতির সকলকর্মে সহায়িনী ছিলেন। পটলডাঙ্গাষ্ট্রীটস্থ বাসা বাড়ীতেই ১৮৭০ খৃঃ ৫ই নভেম্বর শনিবার নিস্তারিনী দেবী তাঁহার দ্বিতীয় সন্তান ভবিষ্যৎ দেশবন্ধুকে প্রসব করেন। এর বৎসর কয়েক পরেই ভুবনমোহন ভবানীপুরে উঠিয়া যান। সেখানে ক্রমান্বয়ে ৫৭ খানা ভাড়াটে বাড়ীতে বাস করার পর সর্বজ্যোষ্ঠ ভ্রাতা কালীমোহন দাশের রসারোডস্থ ভবনে স্থায়ীভাবে বাস করিতে থাকেন। এই বাড়ী কালীমোহন দাশের পোষ্যপুত্র অবসন্তরঞ্জন মৃত্যুর পূর্বে নিজ গর্ভধারিনীকে লিখে দিয়ে যান। যা নিজ পুত্রদ্বয় চিত্তরঞ্জন এবং পাটনা হাইকোর্টের জজ প্রফুল্লরঞ্জনকে দিয়ে যান। পরে চিত্তরঞ্জন ছোট ভাই প্রফুল্লরঞ্জনের অংশটাও ক্রয় করিয়া বাড়ীখানি নিজস্ব করিয়া লেন। নিঃসন্তান জ্যেষ্ঠভ্রাতার স্বরণার্থে বাড়ীর নাম রাখার

‘কালীমোহন আলয়’ই রাখিয়া দেন। ভবানীপুরে লণ্ডন-মিশনারী স্কুলে চিত্তরঞ্জনের বাল্যশিক্ষা আরম্ভ হয়। ১৮৮৬ খৃষ্টাব্দে প্রবেশিকা পরীক্ষায় উত্তীর্ণ হইয়া প্রেসিডেন্সি কলেজে ভর্তি হন। ক্রমে তথা হইতে ১৮৮৭ খৃষ্টাব্দে এফ্ এ, এবং ১৮৯০ খৃষ্টাব্দে বি-এ, পাশ করেন।

ইহার পর পিতা তাঁহাকে সিভিলসার্ভিস্ পরীক্ষা দিবার জন্য বিলাত পাঠাইয়া দেন। তখন তাঁহার বয়স একুশ বৎসর মাত্র। সিভিলসার্ভিস্ পরীক্ষা দিবার পরই তাঁহার ভাগ্যসমুদ্রে নূতন তরঙ্গ খেলিয়া উঠে। তখন তিনি বহু রাজনৈতিক সভায় নির্ভীকভাবে ভারতের অভাব অভিযোগ এবং ইংরাজশাসনের দোষ ত্রুটি দেখাইয়া বক্তৃতা করেন এবং ভারতের স্বরাজ্যমন্ত্রের আদিগুরু দাদাভাই নোরজী পালিয়ামেন্টের সদস্য-পদপ্রার্থী হইলে তাঁহার পক্ষাবলম্বন করেন। এ সমস্তের ফলে চিত্তরঞ্জন সিভিলসার্ভিস্ পরীক্ষায় উত্তীর্ণ হইয়াও সফল প্রাপ্ত হন নাই। ইহাতে তাঁহার ঋণভারাক্রান্ত বৃদ্ধ পিতা এবং অপরপর আত্মীয় স্বজন সকলেই দুঃখিত ও হতাশ হইয়াছিলেন, কিন্তু স্বাধীনতা-প্রিয় তেজস্বী চিত্তরঞ্জন কিঞ্চিদ্ভিন্ন ক্ষুদ্র হন নাই। তাঁহার উৎসাহ বরং দ্বিগুণিত হইয়া উঠিল এবং ১৮৯২ খৃষ্টাব্দে ব্যারিষ্টারী পরীক্ষায় সসম্মানে উত্তীর্ণ হইলেন। এই সময়ে এক ঘটনা হয় যাহাতে তাঁহার অন্তর্নিহিত স্বদেশপ্রেমের আলো চারিদিকে ছড়াইয়া পড়ে। জেমস্ ম্যাকলীন নামক পালিয়ামেন্টের সদস্য কোনও বক্তৃতায় ভারতবাসীকে অত্যাচারিত্বের অত্যাচারিত্বের গালাগালি দেন। এই দেশবাসীর অপমান জন্মভূমির অপমান তাঁহাকে বিস্কন্ধ করিয়া তুলে। তিনি দিব তুলিয়া সমস্ত প্রবাসী ভারতীয়দিগকে লইয়া লণ্ডনে এক বিরাট সভা আহ্বান করিয়া অশিষ্ট ম্যাকলীনের কথার তীব্র প্রতিবাদ করেন। এই প্রতিবাদ

বক্তৃতার তুমুল সমালোচনার ফলে বিলাতের লিবারেল দল এক সভার অধিবেশন করিয়া চিত্তরঞ্জনকে সেই সভায় বক্তৃতা করিতে আহ্বান করেন। তাঁহার সেই জালাময়ী বক্তৃতার ফলে ভারতনিষ্ঠক মিথ্যাবাদী ম্যাকলীনকে জগতের সমক্ষে ক্ষমাপ্রার্থনা করিতে হয় ও তাহার সদশপদ ঘুচিয়া যায়। জগত সমক্ষে চিত্তরবি এই উবার কিরণ বিকীর্ণ করিয়া ১৮৯৩ খৃষ্টাব্দে স্বদেশে প্রত্যাবর্তন করিলেন। স্বদেশে ফিরিয়া চিত্তরঞ্জন ব্যারিষ্টারীতে মনোনিবেশ করেন। পিতৃকৃত প্রভূত ঋণভার, ছোট ভাতা-ভগ্নিদের শিক্ষার ভার এবং বহু-গোষ্ঠিযুক্ত সংসার পালনের ভার একসঙ্গে সবই তাঁহার ঘারে পড়িল। নূতন ব্যারিষ্টারীর সামান্য আয়ে অল্প সর্ববিধ ব্যয়ই নির্বাহিত হইতে লাগিল, কিন্তু পিতৃ-ঋণ পরিশোধের আশু কোন পস্থা না দেখিয়া এবং উত্তমর্গদের জ্বালায় অতিষ্ঠ হইয়া পিতাপুত্র দুইজনেই দেউলিয়ার খাতায় নাম লেখাইলেন।

এইরূপে বৎসরের পর বৎসর চলিল। ঢাকা বিক্রমপুর পরগণার নগাঁও গ্রাম, যাহা এখন পদ্মার বিশাল বক্ষে আশ্রয় লইয়াছে, সেই গ্রামের বরদানাথ হালদার মহাশয় বিজনীষ্টেটের দেওয়ান ছিলেন। তিনিও ব্রাহ্মসমাজভুক্ত, বিশেষতঃ বিক্রমপুরেই পাশাপাশি গ্রামে বাড়ী থাকায় দাশ পরিবারের সহিত এই পরিবারের খুবই ঘনিষ্ঠতা ছিল। উভয় পরিবারের অত্যধিক ঘনিষ্ঠতার ফলে বরদানাথ হালদারের কন্যা শ্রীমতী বাসন্তীদেবী প্রাপ্তবয়স্ক হইলে শ্রীযুক্ত চিত্তরঞ্জন দাশের সহিত বিবাহের প্রস্তাব হয়। সর্বসম্মতি ক্রমে ১৮৯৮ খৃষ্টাব্দে আদর্শ-চরিত্রা শ্রীযুক্তা বাসন্তী দেবীর সহিত চিত্তরঞ্জনের বিবাহ হয়। হিন্দু আদর্শ-সতী সহধর্মিনীর যা যা গুণ তৎসমুদয় এই দেবীর চরিত্রে একে একে উজ্জল ভাবে পরিস্ফুট। বাসন্তী দেবী চিত্তরঞ্জনের প্রেমরাজ্যের চিরনববসন্ত।

তাঁহার প্রতি কর্ণে শক্তি, ধর্মে ধাত্তী, সম্পদে সোহাগিনী, বিপদে সাহসনা-  
দায়িনী এবং দেশভ্রতে সহকর্ষিনী ছিলেন।

ভাগ্যোন্নতি সাধনে চিত্তরঞ্জনকে প্রথম বিশেষ কষ্ট পাইতে  
হইয়াছিল। আইন চর্চায় বিশেষ পারদর্শী হইবার জন্ত তিনি  
শিক্ষার্থীর মত আইন অধ্যয়নে নিযুক্ত হইলেন এবং সজে সজে  
আবশ্যকীয় ব্যয়নির্বাহার্থ পরিশ্রম সহকারে উপায়ও করিতে  
লাগিলেন। তাঁহার এই অক্লান্ত পরিশ্রমের পুরস্কার আসিল  
বাকলার ইতিহাসের এক মহাযুগের প্রারম্ভে। ১৯০৮ খৃষ্টাব্দে  
আলিপুরের সুপ্রসিদ্ধ বোমার মামলা উপস্থিত হইল। দেশকর্মী  
শ্রীঅরবিন্দ স্বদেশী রাজনৈতিক মামলার কবলে পতিত হইলেন।  
প্রায় মাসছয় মামলা চলিল। সংগৃহীত অর্থ ব্যারিষ্টার শ্রীযুক্ত  
বোমকেশ চক্রবর্তীর দিন কয়েকের পারিশ্রমিকে নিঃশেষ হইয়া গেল।  
তাঁহার দ্বারা মামলা চালানো অসম্ভব হইল। তদবস্থায় চিত্তরঞ্জন  
'স্বদেশী মামলা' বলিয়া নিজের বিষয়ে কোনও চিন্তা না করিয়া নাম মাত্র  
পারিশ্রমিক লইয়া সুদীর্ঘ ৮ মাস এই মামলা চালাইতে থাকেন। এই  
ত্যাগের ফল-স্বরূপ অরবিন্দের মুক্তি হইল এবং আইনে চিত্তরঞ্জনের  
অসাধারণ ব্যুৎপত্তির জয় জয় রব সমগ্র দেশে ছড়াইয়া পড়িল।  
বিপ্লববাদীদের স্বপক্ষে তাঁহার মর্য্যস্পর্শী বক্তৃতা শ্রবণে প্রধান  
বিচারপতি ও বিচারপতি উভয়ই অশ্রু সঞ্চরণ করিতে পারেন নাই।

এই ঘটনার পর হইতে মামলার পর মামলা আসিয়া তাঁহাকে  
লক্ষ্মীর ভাণ্ডার খুলিয়া দিল। দৈনিক পারিশ্রমিকের হার হাজার  
টাকার উপরে উঠিল। অরবিন্দের মামলার পর তিনি ঢাকা বড়ঘাটের  
মামলায় আসামীপক্ষ সমর্থন করেন। এই মামলায় ও পর পর স্বদেশী  
বয়কট মামলায় আসামীদের পক্ষ সমর্থন করিয়াছিলেন। কোনও

স্বদেশী মামলায় তিনি পারিশ্রমিক গ্রহণ করেন নাই। ব্রহ্মদেশে ভারতরক্ষা আইনে ধৃত মিঃ মেটার মামলা, চট্টগ্রাম কুতুবদয়ার আটক আসামীদের মামলা, নাগপুরের হোমফললীগের সেক্রেটারী মিঃ বৈদ্যের মামলা, ডুমরাঁও রাজ মামলা ইত্যাদি বহু মামলা তাঁহার যশ ও ধন অর্জনের নিদর্শন। অসহযোগ ত্রুত গ্রহণ করিয়া ব্যারিষ্টার, ছাড়িবার অব্যবহিত পূর্বেও গবর্ণমেন্ট তাঁহাকে মিউনিশনবোর্ডের মামলার ভারার্পণ করিয়াছিলেন।

এই প্রভূত অর্থোপার্জনে মদোন্নত হইয়া তিনি কর্তব্য তুলেন নাই। দেউলিয়ার খাতায় নাম লেখাইয়া আবার ঋণশোধের কথা, বাহা কোথাও শোনা যায় নাই—চিত্তরঞ্জনর জীবনে তাহা কার্য্য পরিণত হইয়াছিল। পিতার জীবদ্দশায়ই তিনি নিরাশ উত্তমর্ণদিগকে, ডাকিয়া একে একে লক্ষাধিক টাকা পিতৃঋণ পরিশোধ করেন এবং ঋণ-ভারাক্রান্ত পিতার বিষন্ন বদনে আনন্দের হাসি ফুটাইয়া তুলেন। এরপর আরম্ভ হয় তাঁর দানযজ্ঞ। তাঁহার সঞ্চয়ের পুটুলিতে ছিল ত্যাগের ভীষণ ঝড়োহাওয়া—তাই দেশের শিক্ষা, স্বাস্থ্য ও দীনাতুরের সেবা ইত্যাদি লোকহিতকর যে কোন অল্পটানে তাঁহার মুক্তহস্তে দান ছিল। তাহার দানের পেছনে ঢাক ঢোল বাজিত না, প্রকাশে অপেক্ষা গোপনেই তাঁর দান ছিল যথেষ্ট। নবদ্বীপ অনাথ-আশ্রমে দুই-লক্ষ টাকা দানের কথা নিকট আত্মীয়েরা ও জানিতেন না। একদিন শ্রীযুক্ত কুলদাপ্রসাদ মল্লিক বক্তৃতা প্রসঙ্গে থিয়োসফিকেন্স সোসাইটিতে প্রকাশ করে দেন, তাই সবাই জানতে পায়। বুদ্ধ উমেশ বিদ্যারত্নের বেদবিদ্যা তাঁহার হৃদয়কোনেই সঞ্চিত থাকতো যদি চিত্তরঞ্জন অহঙ্কুল না হইতেন। সুরেশ সমাজপতির ‘সাহিত্য’ পত্র ঋণদায়ে বদ্ধ হইবার উপক্রম হইলে চিত্তরঞ্জন সে সব ঋণ শোধ করেন।

ময়মনসিংহের স্বভাব-কবি গোবিন্দদাস অভাবের দারুণ দংশনে অস্থির হইয়া যখন লিখেছিলেন—

“ও ভাই বজ্রবাসী !

আমি মলে তোমরা আমার চিতায় দিবে মঠ ।

আজ যে আমি উপোস করি,

না খেয়ে পবাণে মরি ;

হাহাকারে দিবানিশি

ক্ষুধায় করি ছটফট ।”—

তখন চিত্তরঞ্জনই তাঁহাকে বুকে টানিয়া লইয়া তাঁহার সকল অভাব মোচন করিয়াছিলেন। দুর্দিনে নিরাশ্রয় শ্রীযুক্ত বিপিনচন্দ্র পাল সপরিবারে বহুবৎসর চিত্তরঞ্জনের বিশাল চিত্তেই আশ্রয় পাইয়াছিলেন। অধুনা মহাত্মার মুখে শোনা গেল জালিয়ানওয়ালাবাগের অত্যাচারের তদন্তে গিয়া নির্ধাতিতদের সাহায্যকল্পে তিনি পঞ্চাশ হাজার টাকা দান করিয়াছিলেন। নিজের ক্ষুদ্র গ্রামটির কথাও তিনি ভুজেন নাই। সেখানে বিদ্যালয়, পুষ্করিণী প্রতিষ্ঠা এবং স্বাস্থ্যোন্নতি বিধানে তাঁহার যথোচিত যত্ন ছিল। ১৯১৯ খৃষ্টাব্দের ছুটিক্ষে তিনি দশ হাজার টাকা দান করিয়াছিলেন। চাঁদপুরের বিভ্রাটেও শ্রমিকদের সাহায্য করিয়াছিলেন। রামকৃষ্ণ-মিশনের নানা সদহুষ্ঠানেও তিনি যোগ দিয়াছিলেন এবং সাধ্যমত অর্থ সাহায্যাদি করিয়াছিলেন। ভবনীগুরুর অনাথ ও আতুর আশ্রমে, ব্রাহ্মবালিকা বিদ্যালয়ের নূতন গৃহনির্মাণে, বেলগাছিয়া ম্যাডিকেল কলেজ প্রতিষ্ঠায়, বহু দরিদ্র শিক্ষার্থীদের সাহায্যে এবং নানা প্রকারে শিক্ষার উন্নতিকল্পে তাঁহার দানের তুলনা নাই। এতদ্ব্যতীত তাঁহার মাসিক বাঁধা খুচরা দান ছিল দুই হাজার টাকার উপর। তিনি প্রতারককেও অকুণ্ঠচিত্তে দান

করিতেন। একবার কোনও গ্রন্থকার গ্রন্থমুদ্রনের অজুহাতে ক্রমাগত চারিবারে চারি হাজার টাকা নৈওয়ার পব পঞ্চমবারে যখন টাকার জন্ত উপস্থিত হন তখনও নিরাপত্তিতে আরও এক হাজার টাকার চেক কাটিবার জন্ত খাতাঙ্গিকে চেকবই আনিতে আদেশ করেন। খাতাঙ্গি তাঁহাকে একটু আড়ালে ডেকে নিয়া বলিলেন এই ব্যক্তি চার হাজার টাকা নিয়াছে কিন্তু বই ছাপবার নামটি নেই। ঠিকিয়ে সব টাকা নিচ্ছে ওকে আর টাকা দিয়ে কি হবে? উত্তরে বলিলেন—আমাকে কি ঠকাবে হে, ও নিজেই ঠকছে। দাও ওর টাকার দরকার আছে বলেই চাইতে এসেছে।—এরূপ মহিমান্বিত দান দেশবন্ধুতেই সম্ভবে!

চিত্তরঞ্জনের দুই কন্যাও এক পুত্র। পিতামাতার অল্পমম স্নেহে, যত্নে, শিক্ষায় বর্ধিত হইয়া যথোচিত বয়ঃপ্রাপ্ত হইলে তাহাদিগকে যথারীতি বিবাহ দেওয়া হয়। চিত্তরঞ্জন ধর্ম ও সমাজনীতি বিষয়ে চিরদিনই মহা উদার। উদার ব্রাহ্মসমাজও তাঁহার উদারতার বাধা জন্মায় দেখিয়া তিনি সেই গণ্ডীর বন্ধন সজোরে ছিন্ন করিয়া হুবিশাল হিন্দুধর্মের বৃকে আশ্রয় লাভ করেন। তিনি সাধারণ হিন্দু ছিলেন না, তিনি ছিলেন একজন পূর্ণ সংস্কারক। তাই তিনি নিজের পরিবারের ভিতর জীবনে ও কার্যে সংস্কার করে গেছেন। সমাজ ও ধর্ম সংস্কারের বস্তুতা অনেকে মুখে দিয়া থাকেন বটে, কিন্তু নিজের পরিবারের ভিতর দিয়া তেমন সব কার্যে পরিণত করিবার সাধা বড় কারো হয়ে উঠে না, কিন্তু তাঁহার চরিত্রের এই ছিল বিশেষত্ব, মনে যাহা ভাবিতেন, মুখে তাহা বলিতেন এবং কাজে তাহা করিতেন। তিনি হিন্দু হইয়াও অসবর্ণ বিবাহের পূরা পক্ষপাতী ছিলেন। বড় মেয়ে শ্রীমতী অপর্ণাদেবীকে, কায়স্থ শ্রীযুক্ত জুধীর কুমার রায়ের সহিত

ছেলে শ্রীমান চিররঞ্জন দাশকে কলিকাতা ইটালী-নিবাসী শ্রীযুক্ত 'সুকুমার সেন মহাশয়ের স্থলক্ষণা কন্যা শ্রীমতী সৃজাতা দেবীর সাহিত্য, এবং শ্রীমতী কল্যাণী দেবীকে আর সুরেন্দ্রনাথের দৌহিত্র শ্রীমান ভাস্করানন্দ মুখোপাধ্যায়ের সহিত বিবাহ দেন। তিনি আগাগোড়াই শ্রীকৃষ্ণভক্ত, কীর্ত্তন-পদাবলিতে তাঁহার প্রগাঢ় অমুরাগ ছিল। তাঁহার আধ্যাত্মিক জীবন শ্রীশ্রীচৈতন্যদেব, শ্রীশ্রীরামকৃষ্ণ ও শ্রীমৎস্বামী বিবেকানন্দের আদর্শে প্রভাবান্বিত। তাঁহার দীক্ষাগুরু ছিলেন পাবনা হিমায়ৎপুর সংসদ আশ্রমের বিশ্বগুরু শ্রীমৎ অন্নদাঠাকুর।

বিদ্যাচর্চায়ও তিনি অসাধারণ প্রতিভা দেখাইয়া গিয়াছেন। তিনি সুকবি এবং পরম সাহিত্যামুরাগী ছিলেন। তাঁহার রচিত 'সাগর-সঙ্গীত', 'মালাকু', 'মালা', 'কিশোর-কিশোরী', 'অন্তর্যামী' বাঙ্গলা পদ্যসাহিত্যের অতুলনীয় সম্পদ। তাছাড়া 'নারায়ণ' নামে একখানা মাসিকপত্র বহু বৎসর পরিচালনা করেন। চিত্তরঞ্জন প্রাণ-মাতানো লেখার ভিতর দিয়া নরনারায়ণের জীবন্ত-ভাব তাহাতে সম্পূর্ণরূপে বিকাশ পাইয়াছিল।

চিত্তরঞ্জনের রাজনৈতিক জীবন বঙ্গভঙ্গের সময় হইতে আরম্ভ হয়। কিন্তু তাহার সম্পূর্ণ বিকাশ হয় ১৯১৭ খৃষ্টাব্দে। ১৯১৭ খৃষ্টাব্দের ২০শে আগষ্ট তদানীন্তন ভারত-সচিব মিঃ মন্টেগুর শাসন-সংস্কারের ঘোষণাপত্র প্রচারিত হইলে এই সংস্কারের অসারতা প্রতিপন্ন করিবার জন্ত এবং দেশবাসীর প্রাণে যথার্থ স্বাধীনতার আকাঙ্ক্ষা জাগাইবার জন্ত চিত্তরঞ্জন নিজের প্রভুত অর্থাজ্ঞানের প্রলোভন উপেক্ষা করিয়া ময়মনসিংহ, ঢাকা, চট্টগ্রাম, বরিশাল প্রভৃতি নানাস্থানে স্বরাজের মহাবাণী প্রচার করিয়া বেড়াইয়াছিলেন। বোম্বাই সহরে ১৯১৮ খৃষ্টাব্দে কংগ্রেসের বিশেষ



## বঙ্গবাণী

অধিবেশনে এবং দিল্লীতে নিখিল ভারত কংগ্রেস-কমিটির বাৎসরিক অধিবেশনে চিত্তরঞ্জনের দল সংস্কার-আইনকে ভারতীয়ের জাতি দাবীর সম্পূর্ণ অঙ্গপুষ্ট বলিয়া প্রমাণ করিলেন। ইহার পর রাউলট আইন এবং জালিয়ানওয়ালাবাগের অসহযোগের প্রস্তাবের চিত্র ব্যাকুল করিয়া তুলিল। ১৯১৩ খ্রীঃ অব্দে কংগ্রেসে প্রাণ-খুলে তিনি সংস্কার-আইন সকল কার্যবিধির সহিত সহযোগে করিবার নীতির বিপক্ষে প্রতিবাদ করিলেন। তখন হইতেই মহাত্মা গান্ধীর অহিংস-অসহযোগ, বন্দর-বাহাদুরী প্রভৃতি, শিমলায় মিলন ইত্যাদি আন্দোলন স্বরূপ। ১৯২০ খ্রীঃ অব্দে সেপ্টেম্বর তারিখে কলিকাতায় কংগ্রেসের বিশেষ অধিবেশন হইল মহাত্মা গান্ধী পঞ্জাব-অনাচার ও খিলাফতের অবিচারের প্রতিবাদে মানসে অহিংস-অসহযোগ প্রস্তাব উত্থাপন করিলেন। ভোটদাতার মহাত্মার প্রস্তাব গৃহীত হইলেও চিত্তরঞ্জনের অসহযোগ দিতে হয় নাই। কিন্তু এই বৎসরের নাগপুর কংগ্রেসে সকলকে বিম্বিত করিয়া তিনি অসহযোগ গ্রহণ করেন এবং স্বয়ং মহাত্মার প্রস্তাব কংগ্রেস-মণ্ডপে বিদ্যে করিলেন। নাগপুর হইতে কলিকাতা করিয়া চিত্তরঞ্জন গভার্টমেন্ট-ঐশ্বর্যের মোহ কাটাইয়া স্বদেশ-সেবক সম্মানী হইলেন। দেশবাসী তাঁহার এই বিরাট ত্যাগে মুগ্ধ হইয়া পরম ভাষন ও শ্রদ্ধা সহকারে 'দেশবন্ধু' আখ্যা দিয়া নায়কত্ব বরণ করিল। দেশবন্ধু নব জাতিয়া চৈতন্তের মত বাদ্দলার দ্বারে দ্বারে মুক্তির গান গাহিয়া বেড়াইতে লাগিলেন। তাঁহার মনোবল বিন্দুভাঙ্গা ফলে বই ব্যারিষ্টার, উকীল মোস্তাফিজ সরকারী-কর্মচারী অসহযোগ-ব্রত গ্রহণ করিলেন। নানা স্থানে জাতীয়-বিদ্যালয়, জাতীয়-কর্মশালা প্রদর্শনী প্রতিষ্ঠিত হইল। জাতীয়-সংসদে মহাত্মার বাস্তব

সময়ক কলিকতা। এইসময় হইতে 'বাংলার-কথা' বলে একখানা সাপ্তাহিক পত্র প্রকাশ হইল। এই সাপ্তাহিকে তাঁহার ভিতর দিয়া বাংলার বাহির লোকেরা আমাদের কথা ও মর্মের ব্যথা, তাহা স্পষ্টভাবে প্রকাশিত হইয়াছিল। কলিকতা হইতে 'বাংলার-কথা' পাঠ করিয়া স্বাভিমান উঠিয়াছিল। ১৯২২ খ্রিস্টাব্দের ১৭ই নভেম্বর যুবরাজ শ্রীমদ্রবপ্রসাদসু, ভারত পরিষদনাথবোম্বাই সহরে পদার্পণ করিলে তাঁহা ভারতে হরতাল ঘোষিত হইল। ঐ দিন কলিকাতার অবস্থা হঠাৎ উত্তরোত্তরীয় হইয়া উঠিল। অত্যন্ত বিচলিত হইয়া উঠেন। তাহার ক্ষেপে বাংলার ভিতর হইতে রোমন্থিত লোকসমূহ সত্যবাক্যের স্বেচ্ছামের দলকে বেআইনী সাব্যস্ত করিলেন। ইহার পর কলিকাতার পুলিশকমিশনার এক ইজ্ঞাহাযে সাধারণ সভা-সমিতিকে বেআইনী ঘোষণা করিলেন। প্রায়শ্চৈতন্য হইতে ডিসেম্বর মাসে কলিকাতায় আশিয়া এই নীতি গ্রহণ সমর্থন করিলেন। এদিকে ২৭শে নভেম্বর দ্বিতীয় প্রাদেশিক কংগ্রেস কমিটি হইতে ২৮শে নভেম্বর বঙ্গীয় খিলাফত কমিটি এই সিদ্ধান্ত করেন যে বঙ্গদেশের আদেশ সম্পূর্ণ বেআইনী ও অসঙ্গত। বাকেরই বঙ্গপূর্ব লোকের চালাইতেই হইবে। দেশবন্ধু সাহসিকতার পক্ষে সাক্ষ্য দিয়া নিজেকে ভলাটিয়ার বলে ঘোষণা করিয়া এবং সমস্ত আশঙ্কিত লোক ভলাটিয়ার আহ্বান করিয়াছিলেন। সভাপতি হইয়া এই বেআইনী বলে নির্দ্বারন করেন। ৬ই ডিসেম্বর দেশবন্ধু সাহসিকতার প্রচারার্থ বড়বাজারে ভলাটিয়ার প্রেরিত হইল। প্রেরিত হইলে তাহার পুত্র চিরঞ্জন অত্যন্ত সাহসিকতার সহ প্রেরণ করিয়াছিলেন। পুরুষ-ভলাটিয়ারদের সহিত দেশবন্ধু সাহসিকতার বাহিনী হইল। উদ্ভিল্লা দেবী ও ভাগিনেয়ী ইত্যাদি হইল। বঙ্গের প্রচারক ভলাটিয়ার হইল। তাহা বাহির হইলে তাহারও

## বঙ্গবাণী

গ্রেপ্তার হইয়া প্রেসিডেন্সি জেলে রাখা হইল এবং সেখানেই মুক্তিলাভ করেন। ১০ই ডিসেম্বর শ্রীমদ্রাজেশ্বরী দেবী নিজেও অত্যন্ত নেতৃবৃন্দসহ গ্রেপ্তার হন এবং এই জাহাঙ্গীর প্রেসিডেন্সি ম্যাজিস্ট্রেটে বিচারে ছয় মাস কারাদণ্ডে দণ্ডিত হন এবং সমস্ত দেশবন্ধু আবেদনাদি কংগ্রেসের নির্বাচিত সভাপতি হইয়াছিলেন। সংস্কারের বিষয়ে তাহার উপস্থিতি অসম্ভব হইল কিন্তু তাহার দ্বিখিত অভিজ্ঞতাও শ্রীমদ্রাজেশ্বরী দেবী সারোজিনী নাইডু কর্তৃক প্রতিষ্ঠিত হইয়াছিল। সেক্ষেত্রে মুক্তির পর বাঙ্গালী এমন কি সমগ্র ভারতবাসী তাহার প্রতি কৃতজ্ঞতাশ্রদ্ধা তাঁহাকে গয়া কংগ্রেসের সভাপতিত্বে বরণ করিয়াছিলেন। এই কংগ্রেসে তিনি কাউন্সিল প্রবেশের অসম্ভব প্রস্তাব উপস্থাপন করেন কিন্তু গৃহীত হয় নাই। তিনি পণ্ডিত মতিলাল নেহেরু প্রভৃতিকে লইয়া এক নূতন স্বরাজ্যদল গঠন করেন। দিল্লীতে কংগ্রেসের বিশেষ অধিবেশনে দেশবন্ধুর চেষ্ঠায় স্বরাজ্য দলের কাউন্সিল প্রবেশের প্রস্তাব গৃহীত হইল। পরবর্তী কোনও কংগ্রেসেও অধিকাংশ প্রোগ্রেসিভ প্রস্তাব গৃহীত হয়। বাঙ্গালার স্বরাজ্যদল কাউন্সিলে প্রবেশ করেন এবং দেশবন্ধুর চেষ্ঠায় নির্বাচন হইয়া দেশবন্ধু স্বরাজ্যদলের দ্বারা আসে। তাহার অতুলনীয় ব্যক্তিত্ব প্রভাবে স্বরাজ্যদলের অগ্রগৃহীত প্রতিনিধি একে একে ভোটের স্বরাজ্যদলের প্রতিনিধিদের কাছে শেফটনীর ভাবে পরাস্ত হন। স্বরাজ্যদলের অধিক প্রস্তাব দেখিয়া গভর্নর লর্ড লিটন মস্তিস্তা-গঠনের ভারার্ণন করেন। দেশবন্ধু ভূয়া মন্দির প্রত্যাখ্যান করিলেন, এমনকি ছায়াবাজীর শ্রমিক শ্রমিক মন্দিরের বেতন নাশক ও ভূয়া কাউন্সিল ধ্বংস কাঁচকারী প্রস্তাব প্রস্তাব করিতে লাগিলেন। তাহার ব্যক্তিত্বের প্রভাবে বিদ্যোদয় দলের প্রতিনিধিগণও তাহার পক্ষে ভোট দিতে লাগিলেন, কংগ্রেসের প্রস্তাব প্রস্তাব পক্ষে যার যার

হইল। প্রথমবার মন্ত্রিবেতন নাকচ হইল। শেষবার অস্থস্থাবস্থায় দেশবন্ধুর পাটনা অবস্থানকালে লর্ড লিটন তাঁহার সাক্ষোপাঙ্গের তদ্বির ও চেষ্টা দ্বারা মন্ত্রি নিয়োগ-মন্ত্রি গৃহীত করাইয়া এবং নূতন মন্ত্রি নিয়োগ করিয়া মন্ত্রিবেতন মন্ত্রি বরাইবারজন্ত উঠে পড়ে লাগেন; কিন্তু গভর্নমেন্টের শক্ত চেষ্টা সত্ত্বেও অস্থস্থ দেশবন্ধুর অব্যাহত উপস্থিতি বাহু-মস্তকের মত কাষ্য করিল। কাহারো পূর্বে মন্ত্রি ছিলেন এবং সরকারের যেতাত্ত্বিক কখনও কিছু করিতে পারেন না এমন সবও জনমতের পক্ষে ভোট দিয়া সরকারকে ক্ষান্তিত করিয়াছিলেন। মন্ত্রিবেতন নামজুর প্রত্যয় বঙ্গালার দৈত-শাসনের অবদান হইল—দেশবন্ধুর কাউন্সিল জেনেশনটি সাথক হইল।

১৯২০ খ্রীস্টাব্দে মন্ত্রি স্যার হুচেননাথের চেষ্টায় কলিকাতা মিউনিসিপাল-এজেন্ট কার্যকর হয়। প্রথম নির্বাচন কালেই দেশবন্ধুর আশ্রয় প্রভাবে কংগ্রেসের স্বরাজ্যদল দ্বারা কর্পোরেশন অধিকৃত হয়। দেশবন্ধু প্রথম মেয়র নিযুক্ত হন। মিঃ হাসান প্রত্যয়দিকে ডেপুটি মেয়র নিযুক্ত হওয়ায় হুভাষচন্দ্র বসুকে প্রধান কর্মকর্তা পদে নিযুক্ত করেন। সহরের দরিদ্রগণের ব্যত্যাহরণের এবং সাধারণের মধ্যে অবৈজ্ঞানিক প্রাথমিক শিক্ষাবিত্তারের এবং অধিকতর জল সরবরাহের ব্যবস্থা উভয়ের চেষ্টায় অবিলম্বে অহুষ্ঠিত হয়। হিন্দু-মুসলমানের শান্তি করিয়া উভয় জাতির ভিতরকার প্রভেদ তুলিয়া দিয়া দুইজনের সমতার স্থাপনের চেষ্টা তাঁহার জীবনের একটি বিশেষ ঘটনা। শিক্ষার সমস্যায় এবং কৃষিবিভাগে তিনি হিন্দুমুসলমান উভয়কে সমভাগী করিতে ইচ্ছুক ছিলেন। এইতুল্য দৃষ্টিতেই তিনি হিন্দু হইয়াও মুসলমানের ভিতরকার সমতা ইয়াছিলেন।

শ্রীমতী সত্যবতী 'গোপীনাথ সাহা' প্রস্তাব গৃহীত হওয়ায়

## বঙ্গবাণী

সরকার, ইউরোপীয় সমাজ এবং দেশের জনসাধারণের অন্তর্গত প্রকাশ করেন। ফলে ১৯২৪ খৃষ্টাব্দের প্রথমার্ধে বঙ্গবাণী আন্দোলন আইন নামক অস্থায় বে-আইন জারী হয়। সরকার এই বে-আইন অতিরিক্ত ক্ষমতার বলে কর্পোরেশনের কার্যক্রম হ্রাস করে। বঙ্গবাসী যুবককে বিনা বিচারে অনিচ্ছা সত্ত্বেও গ্রেপ্তার করিলেন। এই আইন দেশবাসীর অস্বাভাবিক অবস্থার জন্য এই আন্দোলন কাউন্সিলের অধিবেশন হয়। তখন দেশবাসী এই সিদ্ধি যে সরকার শয্যাভ্যাগ করিতে সম্পূর্ণ নিষেধ করিয়া রাখিয়াছিলেন, কিন্তু দেশবাসী সকল বাধা উপেক্ষা করিয়া টেচারে বাহিত হইয়া কাউন্সিলকক্ষে উপস্থিত হইলেন এবং তদর্শনেই প্রাদিক সংঘে যে টেচাররা আইন অগ্রাহ্য হইল।

তারকেশ্বরের সত্যগ্রহ দেশবাসীর লক্ষ্যে স্থাপনের একটি প্রসিদ্ধ লীলা। দেশস্থ তরুণ-দলের উপর তাঁহার অশ্রু-প্রভাব এবং অক্ষরে অক্ষরে প্রমাণিত হইয়াছে। স্বামী বিজয়নন্দ ও বিজয়নন্দ বাবু তারকেশ্বরের অত্যাচার নিবারণকল্পে আন্দোলন প্রতিষ্ঠা করিয়া আকার ধারণ করিলে, ১৯২৪ খৃষ্টাব্দের এপ্রিল মাসে দেশবাসী একত্রিত হইতে তদন্ত কমিটি নিযুক্ত করেন। তদন্তের পরে যে সিদ্ধি প্রকাশিত হয় সত্যগ্রহ প্রবর্তন করেন। তাঁহার অভিযানে আন্দোলন চালাইবার জন্য দেশবাসীর মুক্ত হস্তে দান এবং দলে দলে বঙ্গবাসীর বৈকল্যের জারীকরণ ও দুঃখ-কষ্ট সহ্যকরণ চিরস্মরণীয়। সত্যগ্রহ আন্দোলন অসীমকালের পর্যন্ত সমভাবেই চলে। এই সময় দেশবাসীর সহিত মোহন-শঙ্কর এক আপোষ চুক্তি হয় ও সত্যগ্রহ আন্দোলন স্থগিত হয়, যাহা দেশে তারকেশ্বর অত্যাচারের কবল হইতে মুক্তি লাভ করে।

দেশের যা প্রাণ সেই পল্লীর সর্ববিধ উন্নতি বিধান করিতে পারিলে

বে-আইনে ধৃত দেশবাসীর জীবনের অভাবক্লিষ্ট পরিজনের ভরণ-  
পোষণ—দুর্য্যাকারী শত্রুদের আক্রমণের তাহাদের পক্ষ সমর্থন করা। জাতীয়  
আন্দোলন প্রশিক্ষণ প্রদানের উদ্দেশ্যে করা, অসহায় বিধবাগণের জন্য আশ্রম  
নিৰ্ম্মাণ। এই সকল কার্যের জন্ত আবাসস্থান নিৰ্ম্মাণ করা  
দেশবাসীর জীবনের অঙ্গ ছিল। এই উদ্দেশ্যে তিনি ১৯২৪খঃ  
সালে মাঠের প্রধান সাক্ষিগণের ‘স্বরাজ্য-সংগ্রাম’ নাম দিয়া দেশ-  
ব্যাপী নিকট অর্থ সংগ্রহের ‘শ্রম-ডাক’ বলে এক আবেদনপত্র  
প্রাতিষ্ঠা করেন। সেই ডাকে যে টাকা সংগৃহীত হইয়াছিল তদ্বারা  
‘স্বরাজ্য-কণ্ঠ’ গঠন করিয়া শ্রীযুক্ত নিখিলচন্দ্র চন্দ্র, ডাঃ বিধানচন্দ্র রায়,  
শ্রীযুক্ত নরিনীকরন সরকার প্রভৃতি মালত কমিটির তত্ত্বাবধানে রাখিয়া  
দান। তাহার বড় শাখার কার্যগুলি নিজহাতে সম্পাদন করিয়া  
বাইতে পারিলেন না—রাখিয়া গেলেন পরবর্ত্তিদের জন্ত।

নাগপুর কংগ্রেস হইতে আরও করিয়া কাউন্সিল ইত্যাদিতে সদস্য  
নিৰ্বাচনে এবং দেশহিতকর মানিকার্য্যে সম্পূর্ণ নিজ দায়িত্বে বহু  
টাকা খরচ করিতে রাখা—এই তাছাড়া তাহার নিজস্ব ঋণও যথেষ্ট  
ছিল। এই প্রভূত ঋণ পরিশোধার্থে তিনি তাহার শেষ সম্বল  
বলারোডস্থ ‘কালীমোহন জমিদারী’ খানির জন্ত ট্রাস্টি নিযুক্ত করেন।  
তদন্তরূপে যথাক্রমে কংগ্রেস প্রাতিষ্ঠান হইয়া গেলে ‘কালীমোহন—  
আলম’ দেশের সেবায় দেশসংরক্ষণের সম্পত্তি হইবে। তাঁর  
কিছু ছিল নিঃশেষ করিয়া স্বহস্তে আর্হতি দিয়া গিয়াছেন।  
ট্রাস্টিগণের কেহায় ও উন্নয়নের বদান্ততায় দেশবাসীর মৃত্যুর পর মাস-  
হইয়ের মধ্যেই সমস্ত ঋণ পরিশোধ হইয়া গিয়াছে; এখন  
‘কালীমোহন জমিদারী’ সম্পত্তি দেশের দশজনের বলে ব্যবহৃত  
হইতেছে। এইরূপে তাহার জীবন স্বতি রক্ষার্থে তাহারই ইচ্ছানুযায়ী

সীমান্ত হইলেও, জগতে কোন সীমারহিত বৃত্তান্তে এমন সম্মান অর্জন  
 করা কিনা, তাহাই বার দেখ বন্ধ। তুমি সত্য সত্যই দেশের ও দেশে  
 প্রাণবদ্ধ ছিলে—তাই মৃত্যুর অব্যবহিত পূর্বেও তুমি বড় ছাথে বসে  
 ছিলে,—“জীবন সন্ধার পরেও তাপে আগিতেছে। ছাথে যাওয়া  
 কিছুই নাই, কিন্তু ১৯২০ খ্রিঃ অব্দে আমার শক্তি ও সাধনা যে প্রাণে  
 পক্ষে অত্যাবশ্যক, জাতীয় ইতিহাসের সেই সব উন্নয়ন সমগ্র দেশে  
 হইতে থাকিত তাহাও? সত্যই কি দেশের ভাগ্যে তুমি নিষ্ঠুর ও  
 নিষ্ঠুর, কামান্ডা বিধাতা নির্দেশ করিয়াছেন? না—আমাদের বিশ্ব  
 তুমি জীবনে একা ছিলে এখন বহু বহু জাত দেশ দেশীয় হৃদয়ে তোমার  
 অক্ষর শক্তি ও সাধনার তেজ। সবার করিয়া দেশের সবচেয়ে মহান  
 দেশকে মুক্তির পথে আগ্রসব হইতে নাহায়া করিবে—নিষ্ঠুর করিবে।

—বন্দেমাতরম—

